

長蘆鹽法志

長蘆鹽法志附編

援證五

歷代賦課

禹貢海岱惟青州厥貢鹽絺

按史記正義云舜分青州為

域亦舊合冀州燕地今長蘆鹽場猶有在山東

縣界者故得引用
管子海王篇海王之國謹正鹽筴十口之家十八食鹽百

口之家百人食鹽終月大男食鹽五升少半大女食鹽三

升少半吾子食鹽二升少半此其大歷也鹽百升而釜令

鹽之重升加分疆釜五十也升加一疆釜百也升加二疆

金二百也。鍾二千十。鍾二萬。百鍾二十萬。千鍾二百萬。萬乘之國。人數問口千萬也。禹筭之商。日二百萬。十日二千萬。一月六千萬。萬乘之國。正九百萬也。月人三十錢之籍。爲錢三千萬。今吾非籍之諸君。吾子而有二國之籍者。六千萬。使君施令曰。吾將籍於諸君。吾子則必囂號。令夫給之鹽筴。則百倍歸於上。人無以避此者。數也。海元齡注曰。海之利而王。其業正稅也。吾子謂小男小女也。鹽十二兩七銖一黍十分之一。爲升。當米六合四勺也。百升之鹽七十六斛十二兩十九銖二黍。爲釜。當米六斗四升。分疆半疆也。今使鹽官稅其鹽之重。每一斗加半合。爲疆而取之。則一金之鹽得五十合。而爲之疆十釜之鹽。七百六十七斛。爲鍾。當米六斛四斗是也。問口。謂大男大女之所食鹽。

也。禹讀爲偶。偶對也。商計也。對其大男大女食鹽者之口數而立災以計所稅之鹽。一日計二百萬合爲二百鍾。萬乘之國大男大女食鹽者千萬人而稅之鹽一日二百鍾。十日二千鍾。一月六千鍾也。今又施其稅數以千萬人如九百萬人之數則所稅之鹽一日百八十鍾。十日千八百鍾。一月五千四百鍾。又變其五千四百鍾之鹽而籍其錄計一月每人籍錢三十元。千萬人爲錢三萬萬矣。以籍之數而比其常籍則當一國而有三千萬人矣。諸君謂老男老女也。六十以上爲老男。五十以上爲老女也。旣不籍於小男小女乃能以千萬人而當三千萬人者蓋鹽官之利耳。鹽官之利當一國而三萬人。○因人山海假之名有海之國售鹽於吾

國金十五吾受而官出之以百我未與其本事也受人之

事以重相推此人用之數也。

房元齡注曰彼國有鹽而羅於吾國爲售耳受取也假令

彼鹽平價金當十錢者吾又加五錢而取之與用也本事本鹽也以重相推謂加五錢之類也推猶度也彼人所有

而皆爲我用也

管子山國軌篇鹽鐵撫軌穀一廩十

漢書食貨志武帝元封元年桑宏羊爲治粟都尉領大農
幹天下鹽鐵宏羊以諸官各自市相爭物以故騰躍而天
下賦輸或不償其僦費乃請置大農部丞數十人分部主
郡國各往往置均輸鹽鐵官令遠方各以其物如貴時商
賈所轉販者爲賦而相灌輸

鹽鐵論始元六年詔丞相御史與所舉賢良文學問民疾
苦文學對曰竊聞治道防淫佚之原廣道德之端抑未利

而開仁義。今郡國有鹽鐵均輸。與民爭利。散敦厚之樸。成貪鄙之化。是以百姓就本者寡。趨末者衆。願罷鹽鐵均輸。所以進本退末。廣立農業便也。大夫曰。匈奴背叛不臣。爲暴邊鄙。備之則勞中國。不備則侵盜不止。先帝哀邊人之久患。故修障塞。飭烽燧。屯戍以備之用。度不足。故興鹽鐵。均輸以佐助邊費。今欲罷之。則內空府庫之藏。外乏執備之用。使備塞乘城之士。飢寒於邊。將何以贍。罷之不便也。文學曰。孔子曰。有國家者。不患寡而患不均。不患貧而患不安。善克者不戰。善戰者不師。善師者不陣。修之於廟堂。

而折衝還師。王者行仁政。無敵於天下。惡用費哉。大夫曰。匈奴桀黠。悖逆不軌。宜誅討之日久。陛下哀元元之未贍。不忍暴士大夫於原野。縱然被堅執銳。有北而復。匈奴之志。又欲罷鹽鐵均輸。無憂邊之心。於其義未便也。文學曰。古者以德而賤用兵。今廢道德而任兵革。使邊境之士。飢寒於外。百姓勞苦於內。立鹽鐵。始張利官以給之。非長策也。故以罷之爲便也。大夫曰。古之利國家者。開本末之途。通有無之用。故工不出則農用乏。商不出則寶貨絕。農用乏則穀不殖。寶貨絕則財用匱。故鹽鐵均輸。所以通委財。

而調緩急罷之不便也。文學曰：道民以德則民歸厚，示民以利則民俗薄也。是以崇本退末，以禮義防民，故商所以通鬱滯，工所以備器械，非治國之本務也。大夫曰：管子云：國有沃野之饒而民不足於食者，器械不備也；有山海之貨而民不足於財者，商工不備也。是以先帝建鹽鐵以贍農用，開均輸以足民財。鹽鐵均輸，萬民所戴仰而取給者，罷之不便也。文學曰：國有沃野之饒而民不足於食者，工商盛而本業荒也；有山海之貨而民不足於財者，不務民用而淫巧衆也。傳曰：諸侯好利則大夫鄙，大夫鄙則士貪。

士貪則庶人盜。是開利孔爲民置梯也。大夫曰。往者郡國諸侯各以其物貢輸。往來煩雜。物多苦惡。或不償其費。故郡置官以相給運。而便遠方之貢。故曰均輸。開委府於京。以籠貨物。賤則買。貴則賣。是以縣官不失貨。商賈無所貿利。故曰平準。平準則民不失職。均輸則民齊勞逸。故平準均輸。所以平萬物。便百姓。而開利孔爲民置梯者也。文學曰。古者之賦稅於民。因其所工。不求所絀。農人納其穫。工女効其織。今釋其所有。責其所無。百姓賤賣貨物。以便止求。農民閒者。女工再稅。未見輸之均也。萬物並取。則物騰。

踴騰踴則商賈倖利自市利容姦豪而富商積貨儲物以
待其急輕賈姦吏收賤以取貴未見準之平也蓋古之均
輸所以齊勞逸使貢輸非以爲利而賈萬物也明方孝孺
讀漢鹽鐵
論夫鹽鐵論六十篇漢桓寬所著孝昭卽位詔賢良文學
胸罷鹽鐵均輸官宏羊爭難之寬襲其意而設爲問答之
詞以盡其辯善乎其言也烏乎爲天下者曷嘗患乎無財
也哉天下未嘗無財也苟用之以節治之有道夫何不足
之有以漢言之文帝在位二十三年免民租者近半其時
非有均輸鹽鐵之徵而府庫充溢錢貫朽不可較武帝之
天下卽文帝之天下而又加之以百出之斂未嘗免一歲
之租宜其富矣而反愈困乏何哉蓋文帝節儉而武帝徵
伐營繕以糜費之也人君苟不節儉雖金積齊泰華蓄貨
擬江海不至於亂未見其厭足也武帝之天下宜亂矣而
文景之澤猶在人心重以霍光知所緩急從而稍罷其害
者故一變而弭元元之憤不然漢豈可冀哉此書也其於

道憲功利之際論之。不特文辭足法而已也。

史記平準書初大農筦鹽鐵官布多置水衡欲以主鹽鐵
漢書宣帝地節四年詔減天下鹽賈○元帝初元五年四
月詔罷鹽鐵官永光三年冬以用度不足復鹽鐵官○張
湯請造白金及五銖錢籠天下鹽鐵○武帝時民賦數百
造鹽鐵酒榷之利以佐用度○翟方進請增益鹽鐵

後漢書建初六年肅宗議復鹽鐵官鄭眾諫以爲不可○
和帝卽位罷鹽鐵詔昔孝武皇帝榷收鹽鐵之利以奉師
旅之費自中興以來匈奴來賓永平末年復修征伐先帝

卽位。務休力役。然猶深思遠慮。安不忘危。探觀舊典。復收鹽鐵。欲以防備不虞。寧安邊境。而吏多不良。動失其便。以違上意。先帝恨之。故遺戒。郡國罷鹽鐵之禁。縱民鬻鑄。入稅縣官。如故事。其中敕刺史二千石。奉順聖旨。勉行德化。布告天下。使明朕意。○元和中。穀貴。縣官經用不足。尚書張林上言。鹽食之急者。雖貴人不得不須。官可自鬻。朱暉奏言。林言不可施行。事遂寢。後陳事者以爲便有詔施行。暉復獨奏曰。鹽利歸官。下人窮怨。帝意解。寢其事。

魏書食貨志

北魏自遷鄴後。於滄瀛幽青四州之境。傍海

煮鹽歲終合收二十萬九千七百二斛四升。軍國所資得
以周贍矣。

〔陳書文帝本紀〕天嘉三年太子中庶子虞荔御史中丞孔
象以國用不足奏立煮海鹽賦詔並施行。

〔北齊書〕後主武平六年以軍國資用不足稅關市舟車山
澤鹽鐵店肆輕重各有差。

〔唐書食貨志〕負海州歲免租爲鹽三萬斛以輸司農青楚
海滄棣杭蘇等州以鹽價市輕貨亦輸司農。天寶至德間
鹽每斗十錢。

〔通典〕上元以後各置鹽司節級全利每歲所入九百餘萬貫。

〔唐會要〕開元元年十一月左拾遺劉彤上表論鹽鐵請官收其利遂令大匠姜師度戶部侍郎強循俱攝御史中丞與諸道按察使檢校鹽鐵之課。

〔唐書食貨志〕乾元中第五琦爲諸州榷鹽鐵使盡權天下鹽斗加時價百錢而出之爲錢一百一十。○劉晏爲諸道轉運鹽鐵使上鹽法輕重之宜以鹽吏多則州縣擾出鹽鄉因舊監置吏亭戶糴商人縱其所之晏之始至也鹽利

歲纔四十萬緡至大歷末六百餘萬緡天下之賦鹽利居半。

理道要訣大歷中舉天下鹽利九百餘萬貫。

舊唐書德宗建中三年五月增兩歲鹽權錢鹽每斗增十百。

舊唐書李師古傳貞元八年王武俊率師次於德棣主州將取蛤蜊及三泖城棣州之鹽池與蛤蜊歲出鹽數十萬斛棣州淄青也其刺史李長卿以城入朱滔而蛤蜊爲納所據。李因城而戍之以專鹽利。按地理志棣州武德四年置。六年併入滄州。貞觀十

七年復置於樂陵縣。

唐實錄貞元二十一年正月順宗卽位停鹽鐵使進獻鹽鐵錢物悉入正庫以助經費其先主此物者稍以時市珍玩時新物充進獻以求恩澤其後益甚歲進錢物謂之羨餘而經入益少至貞元末遂月有獻焉謂之月進至是乃罷。

唐書食貨志元和元年四月李巽爲使以鹽鐵皆歸度支物無虛估天下糶鹽稅茶其贏六百六十五萬緡初歲之利如劉晏之季年其後則三倍晏時矣。

舊唐書崔植傳皇甫鎛以宰相判度支奏諸州府鹽院兩稅權酒利匹段等加倍定數及近年天下所納鹽酒利擡估者一切徵收詔皆可之。

玉海憲宗討淮西度支使皇甫鎛奏加劔南東西川山西西道鹽估以供軍。自兵興河北鹽法羈縻而已鎛奏置權鹽使如江淮權法。

舊唐書憲宗元和四年李夷簡奏諸州府違格科率請諸道鹽鐵轉運度支巡院察訪報臺司以憑奉奏從之。○元和六年王播奏元和六年賣鹽鐵計收六百八十五萬九

千二百貫。

舊唐書食貨志元和十二年鹽鐵使程异奏應諸州府先請置茶鹽店收稅伏以權稅茶鹽本資財賦贍濟軍鎮蓋是從權昨兵罷自合便停其諸道先所置店伏請準赦文勒停從之。○元和十五年八月。中書門下奏鹽利酒利本以權率計錢有殊兩稅之名不可除去錢額。按時以楊於陵等議請天下兩稅權鹽酒等利悉以布帛絲綿在土所產物充稅不徵見錢。

唐書食貨志長慶元年三月敕河朔初平人希德澤且務寬泰使之獲安其河北權鹽法且權停仍令度支與鎮冀

魏博等道節度使審察商量如能約計課利錢數分付權鹽院亦任穩便自天寶末兵興以來河北鹽法羈縻而已暨元和中皇甫鏘奏置稅鹽院同江淮兩地權利人苦犯禁戎鎮亦頻上訴故有是命

舊唐書穆宗長慶元年三月戊申罷河北權鹽法計課利數付權鹽院

玉海長慶元年三月鹽鐵使王播奏諸道鹽院糴付商人請斗加五十通舊二百文價諸處煎鹽亭場置小鋪糴每斗加二十文通舊一百九十文價

唐書食貨志長慶二年戶部侍郎張平叔議榷鹽法弊請

糴鹽可以富國中書舍人韋處厚兵部侍郎韓愈條辯之

平叔詘服臣曰平叔請令州府差人自糴官鹽可以獲利

鹽商則無物不取或賒貸徐還用此取濟兩得利便今令

吏人坐鋪自賣利不關己罪則加身非得見錢必不敢受

如此則貧者無從得鹽自然生失常課如何更有倍利又

欲令吏人將鹽家至戶到而糴之必索百姓供應騷擾極

多又貧家食鹽至少或有淡食動經旬月若據口給鹽依

時徵價官吏畏罪必用刑威臣恐所在不安此尤不可之

大者平叔又云浮寄奸滑者轉富土著守業者日貧若官

自糴鹽不問貴賤貧富四民僭道並兼游手因其所食盡

輸官錢並諸道軍諸使家口親族遞相影占不曾輸稅若

官自糴鹽此無一人遺漏臣以爲此數色人等官未糴鹽

之時從來糴鹽而食不待官自糴然後食鹽也國家榷鹽

糴與商人商人納權糴與百姓則是天下百姓無貧富貴

賤。皆已輸錢於官矣。不必與國家交手付錢。然後輸錢於官也。

王海長慶初王播復領鹽鐵以正額月進爲羨餘歲百萬緡。又請鹽院糶鹽與商人斗加五十通舊三百文。○顏真卿爲河北招討使時李蔓權收景城鹽使諸郡相輸用度遂不乏。

五代會要後唐同光三年二月敕魏府每年所徵隨絲鹽錢每兩與減放五文。○天成元年四月敕諸州府百姓合散蠶鹽今後每年祇二月內一度依散依夏稅限納錢。

舊五代史食貨志天成四年五月戶部奏三京鄴都諸道

州府逐年所徵夏秋稅租兼鹽麴折徵諸般錢穀起徵各視其地節候早晚分立限期

文獻通考莊宗又命趙德鈞鎮蘆臺軍置榷鹽院謂之新倉開渠運漕鹽貨貿於瀛鄆間上下資其利遂致饒衍贍於一方

舊五代史食貨志晉天福中河南河北諸州除俵散蠶鹽徵錢外每年末鹽界分場務約糶一十七萬貫有餘言事者稱雖得此錢百姓多犯鹽者請將上件食鹽錢於諸道州府計戶每戶一貫至二百爲五等配之然徒任人逐使

興販既不虧官。又益百姓。朝廷行之。諸處場務亦且仍舊。俄而鹽貨頓賤。去出鹽遠處州縣。每觔不過二十文。近處不過一十文。掌事者又難奏改其法。奏請重制鹽場稅。蓋欲絕其興販。歸利於官也。

舊五代史晉書高祖天福元年十一月降制。其在京鹽貨元是官場出糴。自今後並不禁斷。一任人戶取便糴易。○

又敕其北京

今正定府

管內鹽鐫戶。合納逐年鹽利。昨者僞命

指揮。每斗須令人戶折納白米一斗五升。極知百姓艱苦。自今後宜令人以元納食鹽石斗數目。每斗依實價計定。

錢數取人戶便穩折納斛。○天福七年詔州郡稅鹽過稅
斛七錢住稅。斛十錢州府鹽院並省司差人勾當。先是諸
州除齎鹽外。每年海鹽界分約收鹽價錢一千七萬貫高
祖以所在禁法抵犯者衆。遂開鹽禁。許通商。令州郡配徵
人戶食鹽錢。上戶千文。下戶二百。分爲五等。時亦便之。至
是掌賦者欲增財利。難以驟變前法。乃重其關市之徵。其
後鹽禁如故。鹽錢亦徵。至今爲弊焉。

舊五代史食貨志。天福七年十二月宣旨。下三司。應有往
來鹽貨。悉稅之。過稅每斛七文住稅。每斛十文。其諸道州

府應有屬州鹽務。並令省司差人勾當。旣而糶鹽雖多。而人戶鹽錢。又不放免。至今民甚苦之。○周廣順元年三月。詔曰。比來青鹽一石。抽稅錢八百文。足陌鹽一斗。白鹽一石。抽稅錢五百文。鹽五升。其後青鹽一石。抽錢一千。鹽一斗。訪問更改以來。不便商販。蕃人漢戶。求利艱難。宜於優饒。庶令存濟。今後每青鹽一石。依舊抽稅錢八百文。以八十五爲陌。鹽一斗。白鹽一石。抽稅錢五百。鹽五升。此外更不得別有邀求。訪問邊上鎮鋪。於蕃漢戶市易糶糴。衷私有抽稅。今後一切禁斷。

〔文獻通考〕周世宗命榷河北鹽犯輒處死其後北伐父老
遮道泣訴願以均之兩稅錢而弛其禁盡行之河北免鹽
之榷而徵其稅所謂兩稅鹽錢也及其甚也鹽不及而徵
錢如故稅已納而禁榷再行民不堪焉。

〔宋史食貨志〕鬻海爲鹽曰京東河北兩浙淮南福建廣南
凡六路歲課入官受錢或折租賦皆無常數末鹽之直飭
至自四十七至八錢有二十一等至道三年鬻錢總一百
六十三萬三千餘貫

〔宋史〕建隆四年令河朔邢洺磁鎮冀趙等六州許通鹽商

止令收稅。

〔玉海〕開寶三年四月庚子除河北鹽禁收其徵。

〔文獻通考〕開寶三年悉罷榷官收其算止過稅錢一文住賣三文蓋因河北土皆斥鹵民間稅地五穀不豐惟刮鹽煎之以納二稅至今六州之境咸頌宋祖之澤不衰。

〔宋史〕太宗太平興國元年詔茶鹽榷酤用開寶八年額。○
雍熙二年復禁鹽榷酤。

〔宋史食貨志〕自開寶以來河北鹽聽人貿易官收其算歲額爲錢十五萬緡上封者嘗請禁榷以收遺利余靖時爲

諫官亟言前歲軍興河北黠義勇強壯及諸科率數年之間未得休息。昔太祖推恩河朔故許通商。今若權之價必騰踊。民苟懷怨悔將何及。河朔土多鹽鹵小民稅地不生五穀。惟刮鰥煎鹽以納二稅。禁之必至逃亡。鹽價若高犯法亦衆。乞且仍舊通商。其議遂寢。慶歷六年三司使王拱辰復建議悉權二州鹽入官以專其利。都轉運使魚周詢以爲不可。且言商人取鹽與所過州縣吏交通爲弊。所算十無二三。請敕州縣以十分算之。聽商人至所鬻州軍併輸算錢。歲可得錢三十餘萬緡。三司奏用其策。仁宗曰使

人頓食貴鹽。豈朕意哉。於是三司更立榷法。而未下。張方平見上問曰。河北再榷鹽。何也。上曰。始議立法。非再榷。方平曰。周世宗榷河北鹽。犯輒處死。世宗北伐。父老遮道泣訴。願以課均之兩稅。而弛其禁。許之。今兩稅鹽錢是也。豈非再榷乎。且今未榷。而契丹盜販不已。若榷則鹽貴。契丹之鹽益售。是爲我歛怨。而使契丹獲福也。契丹鹽入益多。非用兵莫能禁。邊隙一開。所得鹽利。能補兵之費乎。上大悟曰。其語宰相立罷之。方平曰。法雖未下。民已戶知之。當直以手詔罷。不可自下出也。上喜。命方平密撰手詔下之。

河朔父老相率拜迎於澶州爲佛老會七日以報上恩且刻詔北京後父老過其下必稽首流涕。

宋史仁宗慶歷二年復京師權鹽法三年六月詔諸路漕臣令所部官吏條茶鹽礬及坑冶利害以聞。

玉海慶歷六年十一月詔罷河北權鹽

范文正公遺事錄曰鹽稅之入但分

減商賈之利耳行之商賈未甚有害也今國用未減歲入不可闕既不取於山澤及商賈須取之於農與其害農孰若取之於商賈爲今計莫若先省國用國用有餘當先寬賦役然後及商賈弛禁非所當先也

宋史食貨志皇祐中陝州錄事參軍王伯瑜監滄州鹽山務獻議商人受鹽滄濱二州以囊貯之毋過三石三斗斗

爲鹽六觔。除三斗爲耗勿算。餘算其半。予券爲驗。州縣驗券縱之。聽至所屬州軍。併輸錢。卽所貯過數。予及受者皆罰。商人私挾他鹽。並沒其貲。詔試行之。踰年。歲課增三萬餘緡。遂以爲定制。

宋史仁宗嘉祐三年冬十月癸亥。除河北坊郭客戶。乾食

鹽錢。

玉海河北沿濱二州。鹽務稅課九千餘石。以給一路。自開寶以來。聽商人貿易。官收其算。歲爲額錢十五

萬緡。

宋史食貨志熙寧八年。章惇請權河北鹽。詔提舉河北京東鹽稅周革入議。文彥博論其不便。乃詔仍舊。

宋史王巖叟傳熙寧中巖叟建言河北榷鹽法尚行民受其弊貧者不復食錄大名刻石仁宗詔書以進又以河北天下根本自祖宗以來推此爲惠願復其舊知齊州請以河北所言鹽法行之京東。

宋史熙寧八年章惇爲三司使以河北鹽無榷禁乃祖宗一時誤恩請遣使與兩路轉運司度利害行之蘇軾上文

彥博書言其利害遂止之

蘇軾書略曰陝西之鹽京東河北不同解池廣袤不過數十里

既不可捐以與民而官亦易以籠取青鹽至自虜中有可禁止之道然猶法存而實不行城門之外公食青鹽今東北循海皆鹽也其欲籠而取之正與淮南兩浙無異軾在餘杭時見兩浙之民以犯鹽得罪者一歲至萬七千人而

莫能止。姦民以兵杖護送，吏士不敢近者，常以數百人爲輩，特不爲他盜。故上下通知，而不以聞耳。東北之人悍於淮浙，遠甚平居，椎剽之姦，常甲於他路。一旦椎鹽，則其禍未易以一二數也。由此觀之，祖宗以來，獨不惟河北鹽者正事之適宜耳，何名爲誤哉。

王海元豐三年鹽稅河北兩路三十六萬七千貫。

宋史食貨志元豐三年京東轉運副使李察請用今稅法置買賣鹽場歲收錢二十七萬三千餘緡吳居厚爲轉運判官承察後治鹽法利入益多皆進官詔令河北都轉運使蹇周輔判官李南公受法於居厚行之河北若大名真定府貝冀相衛邢洛深趙滄磁德博濱棣祈定保瀛鄭雄

霸州德河通利永靜乾寧定遠保定廣信永定永肅軍則

通商

按皆今
蘆東屬

後濱州分四務又增滄州三務歲課九千一

百四十五石。

〔玉海〕元豐五年二月八日上編修鹽法六年六月十五日

詔以京東鹽法權之河北。

〔宋史食貨志〕

元豐七年知滄州趙瞻請自大名府瀋恩信

安雄霸瀛莫冀等州盡權賣以增其利纔半歲獲息錢十

有六萬七千緡哲宗卽位監察御史王巖叟言河北二年

以來新行鹽法所在價增一倍既奪商賈之利又增居民

之價以爲息。聞貧家至以鹽比藥。伏惟河朔天下根本。祖宗推此爲惠。願陛下不以損民爲利。而以益民爲利。復鹽法如故。爲河北數百萬生靈無窮之賜。會河北轉運使范子奇奏鹽稅欲收以十分。遣范鍔商賈巖叟復言。臣在河北。亦知商賈有自請於官。乞罷權買。願輸倍稅。主計者但知於商賈倍得稅。繙不知商賈將於民間復增賣價。以爲害也。慶歷六年。旣不行三司權買之法。又不從轉運司增稅之請。仁宗豈不知爲公家之利。意謂藏之官。不若藏之民。今陛下卽位之始。宜法仁宗之意。不宜以小利失人心。

也。明年遂罷河北榷鹽。仍舊通商。六年提舉河北鹽稅司。請令商賈販鹽於場務輸稅。以及等戶保任。給小引。量道里爲限。卽非官監鎮店聽以便鬻之。鹽稅舊額五分者。增爲七分。則鹽稅盡已行焉。紹聖中。河北官復賣鹽。繼如京東法。元符三年。崇儀使林豫言。河北榷鹽。未必敷前日稅額。且契丹鹽益售。慮故邊隙。明年給事中上官均以爲言。皆不果行。

〔玉海〕元祐元年正月二十八日。詔河北鹽復用舊法通商。紹聖四年復榷。

畿輔通志 自後晉高祖石敬瑭以遼主有援立之恩舉燕
冀十州歸之遼遂改爲燕京因置新倉鎮廣權鹽以補用
度

遼史 聖宗統和四年六月壬子南京留守奏百姓歲輸三
司鹽鐵折絹不如直詔增之

按遼史地理志南京本古冀
州之地又曰燕京

金史食貨志 制權貨之目有十而鹽稱首○大定二年八
月參知政事梁肅言寶坻及傍縣多闕食可減鹽價增粟
價而以粟易鹽宰臣議謂鹽非可多食之物恐久而不售
以致虧課遂罷○大定十三年二月併權永鹽爲寶坻使

司罷平瀛鹽錢。○寶坻滄鹽價。每三十八文更減去八文。○尚書省議山東滄州舊法。每一觔錢四十一文。寶坻每一觔四十三文。自大定二十九年赦恩。并特旨減爲三十文。計減百八十五萬四千餘貫。後以國用不充。遂奏定每一觔復加三文。爲三十三文。至承安三年十二月。尚書奏鹽利至大。今天下戶口蕃息。食者倍於前。軍儲支引者亦甚多。况日用不可闕之物。豈以價之低昂而有多寡也。若不隨時取利。恐徒失之。遂復定山東寶坻滄州三鹽司。價每一觔加爲四十二文。既增其價。復加其所鬻之數。七

鹽司舊課歲入六百二十二萬六千六百三十六貫五百六十六文至是增爲一千七十七萬四千五百一十二貫一百三十七文二分。滄州舊課歲入百五十三萬一千二百貫增爲二百七十六萬六千六百三十六貫。寶坻舊入八十八萬七千五百五十八貫六百文增爲一百三十四萬八千八百三十九貫。○泰和四年六月以七鹽使司課額七年一定爲制每觔增爲四十四文。○泰和五年六月以山東滄州兩鹽司侵課遣戶部員外郎石鉉按視之還言令兩司分辦爲便詔以周昂分河北東西路大名府恩

州南京。唯陳蔡許潁州隸滄鹽司。各計口承課。

金史黃久約傳。章宗卽位。久約以國富民貧。本輕末重任。人太雜。吏權太重。官鹽價高。坊場害民等八事。爲獻。皆嘉納之。

元史食貨志。太宗庚寅年。始立鹽法。每鹽一引。價銀一十兩。世祖中統二年。減爲銀七兩。至元十三年。所入之鹽九廣。每引改爲中統鈔九貫二十六年。增爲五十貫。元貞丙申。增爲六十貫。至大己酉。至延祐乙卯。七年之間。累增至一百五十貫。

元史太宗時史楫爲真定兵馬都總管或請運鹽按籍計口給民以食楫爭以爲不可曰鹽鐵從民貿易何可若差稅例配之議遂寢○憲宗命阿勒台史作阿台今遵欽定語解改正爲平灤路達魯噶齊史作達魯花赤今遵欽定語解改正始至請蠲銀鹽酒等稅課八之一紂民不征

續文獻通考草木子云元世祖立鹽法瀕海州郡立場差官主治差鹽亭戶丁煮鹽至十月結場往煮及額而止鹽商於各府運司貿易引就各處鹽場支鹽後鹽積而不售均派戶口收買令其入錢縣官收市其中貧富不等皆令入

錢吏胥並緣爲奸民甚苦之嗷然皆言其不便事尋罷復令富商收市

元史徐世隆傳中統元年世隆擢燕京等路宣撫使清滄鹽課虧不及額世隆綜覈之得增羨若干賜銀三十錠

元史食貨志至元八年以大都民戶多食私鹽因虧國課驗口給以食鹽

元史世祖至元十九年三月遣浙西道宣慰司同知劉宣等理算各鹽運司及財賦府茶場都轉運司出納之數

元典章至元二十一年中書省奏立常平鹽局稱近例一

引鹽根納課程一十五兩

續文獻通考至元二十二年三月詔依舊制凡鹽一引以折今鈔爲二十貫

元史至元二十三年正月詔禁沮擾鹽課。○至元二十六年尚書省臣言南北鹽均以四百觔爲引今權豪家多取至七百觔莫若先貯鹽於席來則授之爲便從之。○桑哥言初改至元鈔欲盡收中統鈔故令天下鹽課以中統至元鈔相半輸官今中統鈔尚未可急斂宜令稅賦並輸至元鈔商販有中統料鈔聽易至元鈔以行然後中統鈔可

盡從之。

元史成宗元貞二年九月增鹽價鈔一引爲六十五貫鹽戶造鹽錢爲十貫。○大德五年二月增河間轉運司鹽爲二十八引。

元史食貨志成宗大德八年定每年以河間鹽令有司於五月豫給京畿郡縣之民至秋成各驗鹽數輸草以給京師秣馬之用每鹽二觔折草一束重一十觔用草八百萬束折鹽四萬引云。

元史成宗大德十年詔各道禁沮擾鹽法增河間各鹽司

歲煮鹽二十五萬餘引。○仁宗延祐元年增價鬻鹽。○延祐五年免懷孟河南南陽居民所輸陝西鹽課時改食滄鹽而仍輸課陝西民不堪命故免之

元史食貨志河間之鹽太宗庚寅年始立河間稅課所庚子年歲辦三萬四千七百袋癸卯年歲辦鹽九萬袋世祖中統元年辦銀七千六十五錠米三萬三千三百餘石至元元年又增三之一焉二年歲辦九萬五千袋七年始定例歲煎鹽十萬引辦課銀一萬錠十二年增鹽課二十萬引二十七年辦鹽三十五萬引延祐元年以虧課停煎五

萬引。自是至天歷。皆歲辦三十萬引。

元史順帝本紀元統二年立鹽局於京師南北城官自賣鹽。

元史食貨志元統二年四月御史臺備監察御史言京畿繁盛鹽不可闕大德中置局設官後雖倍其價猶敷民用泰定間因局官不得其人失於鈐束致有短少奏罷之無賴之徒私相犯界煎賣官課爲所侵礙而民食貴鹽如仍舊設局官賣庶課不虧戶部乃言宜準所言於南北二城置局十有四設賣鹽官二員。

元典章各運司官依驗課額以十分爲率若增一分遷官一等三分者遷官二等五分以上別加遷賞

元史托克托傳

史作脫脫今遵欽定語解改正

至正元年托克托爲中

書右丞相錄軍國重事乃悉更巴延

史作伯顏今遵欽定語解改正

舊

政減鹽額

明史食貨志

太祖初起卽立鹽法令商販鬻二十取一以

資軍餉旣而倍徵之用胡深言復初制所輸邊宣府大同薊州上供郊廟百神祭祀內府差膳及給百官有司歲入太倉餘鹽銀十二萬兩

明實錄洪武三年令商輸米北平倉一石八斗給鹽一引
舊志明制中鹽於邊其鎮有三曰宣府鎮曰大同鎮曰薊
州鎮宣府倉五十二大同倉十八薊州倉十一各商赴各
邊鎮報中鹽引撥派倉場出給倉鈔場鈔實收將收過糧
草數目申報該鎮管糧郎中將各商報到倉鈔場鈔比對
勘合皆同聽商支運。

明史食貨志仁宗立以鈔法不通議所以歛之道戶部
尚書夏原吉請令有鈔之家中鹽遂定各鹽司中鹽則例
滄州引三百貫宣德元年停中鈔例三年原吉條上豫備

策言中鹽舊則太重商賈少至請更定之乃定每引自二斗五升至一斗五升有差召商納米北京戶部尚書郭敦言中鹽則例已減而商來者少請以十分爲率六分支與納米京倉者四分支與遼東永平山海甘肅大同宣府等全已納米者他處中納悉停之。○正統七年乃設戶部太倉庫各直省派剩麥米及馬草鹽課關稅凡折銀者皆入倉庫。

舊志正統八年吏科給事中俞泰奏準每引鹽運包索二百五十觔所帶餘鹽亦準二百十觔令輸價銀三錢八分

古今嵯畧景泰元年奏準近場鹵丁令於鹽場煎辦鹽課水鄉竈戶離場三十里之外者每丁歲出米六石或折收貨物置立倉庫收貯委官專掌按季查算

明史食貨志成化時巡鹽御史楊澄始請發各鹽運司提舉司贓罰銀入京庫

鹽政志正德九年御史師存知奏準各運司遇割沒餘鹽聽巡鹽御史督同運司官從公估賣或聽本商納價年終銀送太倉銀庫收貯以濟邊用

舊志正德十一年令長蘆運司五年一次委才能佐貳官

一員親詣有場州縣會同各官照有司上中下戶則例逐一編審除上中戶丁多力壯者量將二三丁幫貼辦鹽此外多餘人力照舊僉當別差下戶只令著竈營辦鹽課免其一切夫役雜差其優免竈丁除原額大小外止以實徵小丁納銀之數爲主如六錢至七錢者照舊三丁折原額大丁一免田一百畝四錢至五錢者四丁折原額大丁一二錢至三錢者五丁折原額大丁一其餘一錢必朋足一兩八錢之數方準折原額一大丁俱免田一百畝編僉之時先備查原額大丁鹽銀若干現在小丁若干某戶現丁

每丁實辦鹽若干。本戶有田若干。應免若干。查對黃漕二冊。照數優免。此外多餘田地。照例一體科差。止令納銀幫貼。不許力差煩擾。○嘉靖十二年。清理地丁鹽課。均勻辦納。○嘉靖十四年。給事中管懷理題準。每引正鹽二百五觔。餘鹽二百二十五觔。南所納銀三錢。北所納銀三錢三分。○嘉靖四十四年。增包索十觔。南所納銀三錢九分七釐五毫。北所納銀四錢三分七釐二毫五絲。此外多帶二十觔以上。納銀一錢。○萬歷十七年。開封改食蘆鹽。增額三萬三百三十九兩六錢有奇。○萬歷二十八年。太監張

華欲筦鹽柄。創爲挨單之議。兩臺會疏力斥其姦。事遂寢。而挨單之稅徵權如故。後亦裁。○萬歷三十二年。部議蘆鹽開在薊永。每引價各加三錢。大同價止二錢。宣府一半。運商納價三錢。一半土商納價二錢。一引二價。似啟爭端。合將未經加價之鹽。照運商事例。各加一錢。其大同偏輕。亦加一錢。○萬歷三十三年。宣大總督楊時亨。大同巡撫張悌。會題準。大同土商。每年有召募賠累之苦。額派難加。仍舊例。每引二錢。○萬歷三十四年。部議。每引帶鹽十觔。徵銀四分。充寧夏兵餉。未幾。商苦賠累。每引止徵銀二分。

○萬歷三十八年巡撫吳亮疏準宣府引價仍舊二錢四分。十年巡鹽御史馬孟貞疏準薊永引價亦仍照舊二錢。○天啟元年增開封二萬引。納價四錢。增正順彰輝等府三萬引。納價二錢。○天啟六年大工告匱。增長蘆每引四分。共一萬二千一百九十四兩。○總督傅宗龍題增密雲一千引。每引納銀七錢三分。通州一百引。每引納銀五錢八分三釐一毫。共七百八十八兩二錢五分。額解太倉以屬舊餉。

明史食貨志 天啟時言利者恣搜括務增引超掣魏忠賢

長蘆鹽法志

附編
賦課

黨郭興治崔呈秀等巧立名目以取之所入無算論者比之絕流而漁。

續文獻通考長蘆開中十八萬八百引折布一萬一千二百六十四匹。

舊志明制長蘆歲徵課銀十七萬二百三十九兩六錢八分二釐四毫。

續文獻通考明代鹽額河間長蘆都轉鹽運使司所轄解鹽洪武間歲辦鹽六萬三千一百五十三引。萬歷六年歲辦小引鹽六十二萬引。內常股二十九萬四千引存積。

十二萬六千引解太倉銀四千三百九十五兩宣府鎮七萬六千七百七十八兩代府祿糧銀四萬三千一百十三兩山西抵民糧銀七萬四千二百五十九兩

舊志明代竈戶納鹽之例以四百觔爲一引官給米石兼支錢鈔以資工本其間有丁產多而納鹽少者有丁產少而納鹽多者至洪武十三年兩浙運使呂本題令各運司分司驗其丁產地利官田草蕩納鹽免科薪鹵得宜約量定額分爲等則逐一詳定不拘戶籍同縣務使均平遂爲定制○明初創立鹽法設司於滄州置場於近海編戶於

竈地樵採草芻煎辦鹽課者名爲草蕩斥鹵不毛之地刮
賺取土盤煎池曬資以成鹽者名爲灘地官鍋名雖不同
其爲竈業一也止辦鹽課絕無民糧其竈戶自置民地名
爲竈產者照常辦納糧馬因供辦鹽課免其雜差宏治十
八年議準事例凡辦納鹽課竈丁一丁至三丁者每丁免
田七十畝四丁至六丁者每丁免田六十畝七丁至十丁
者每丁免田五十畝十一丁至十五丁者每丁免田四十
畝十六丁至十九丁者每丁免田三十畝二十丁至三十丁者全

戶優免外仍有多餘田畝。方許派差。如有將田準丁辦鹽者。一體照數除免。其有丁無田者。不許將他人田詭寄戶下。影射差役。違者問罪。照例充竈。但恐奸竈置有民田。執全戶優免之說。概稱竈產爲竈地。以欺隱稅糧。抑或奸民覓免糧差。稱民田爲竈地。年久混淆。致虧國課。萬歷十年。巡鹽御史曹一夔題準。長蘆竈地灘蕩。與民地疆界混淆。糧差互派。議令運司會同有司官。弔取黃竈二冊。並鹽法志書。先查舊時竈地灘蕩原額若干。新置民地名爲竈產者若干。率同里長護總。分別丈量。某鹽場坐落某處。見今

實在竈地若干。灘蕩若干。附場竈地若干。離場零星竈地若干。置買民地若干。各照頃畝區別界限四至。與原額增減數目。每戶類爲一總。如附場刮土樵採煎曬去處。竈戶自行開墾成田。照例止辦鹽課。免其雜派差徭。其零星地土。離場稍遠。與民地相雜。雖繫竈種。照例辦納錢糧。應當馬頭等役。若民佃竈地。卽納竈課。所有竈戶原買民地。轉賣與民者。徑行開入有司。納糧當差。彙造清冊三本。一存有司衙門。一存留運司。一本送巡鹽御史衙門收貯備查。巡鹽御史開列總數奏報。仍造簡明一冊送部查核。至各

場有無官鍋悉因鍋面大小分別額徵多寡數目則竈籍地蕩難鍋指掌可分矣。

長蘆鹽法志附編

援證六上

歷代職官考

周禮天官太宰之屬鹽人奄二人女鹽二十人案四庫全書
掌鹽之政令以共百事之鹽祭祀共其苦鹽散鹽案齊民要術
其形鹽散鹽王之膳羞其飴鹽后及世子亦如之凡齊事
鹽鹽以待戒令

管子鹽鐵之策足以立軌官

左傳海之鹽廩祈望守之

史記平準書使孔僅東郭咸陽乘傳舉行天下鹽鐵作官府故鹽鐵家富者爲吏。

漢書百官表少府掌山海池澤之稅以給共養。○幹官長丞初屬少府中屬主爵後屬大司農如淳注主均輸之事所謂幹鹽鐵而榷酒酤也。

漢官儀表山澤魚鹽市稅少府以給私用也。

漢書武帝紀元狩四年置鹽鐵官。

漢書地理志鉅鹿郡堂陽渤海郡章武千乘郡漁陽郡泉州遼西海陽有鹽官。

玉海鹽鐵置官多布於西北

文獻通考元封元年因桑宏羊請置大農部丞數十人分部主郡國名往往置均輸鹽鐵官鹽官凡二十八郡

漢書初元五年四月詔罷鹽鐵官○永光三年冬以用度不足復鹽鐵官

續漢書百官志東漢郡有鹽官隨事廣狹置令長及丞

後漢書百官志太尉屬諸曹事掾史屬二十四人金曹主貨幣鹽鐵事○大司農屬郡國鹽官本屬司農中興皆屬郡縣

後漢書鄭衆傳建初時鄭衆爲大司農肅宗議復鹽鐵官衆諫以爲不可帝不從文獻通考曰鹽鐵官顯宗已嘗置矣今言復豈中間嘗罷耶

文獻通考和帝卽位罷鹽禁獻帝建安初置使監賣鹽

晉書度支主財賦計算鹽鐵之數秩六品度支尚書秩三品郡國有司鹽校尉

隋書食貨志北魏天平元年遷都於鄴於滄瀛幽青四州之境傍海置鹽官以煮鹽○北周掌鹽掌四鹽之政令一曰散鹽煮海以成之

隋書百官志司農寺統太倉又有鹽倉督二人

唐書食貨志開元以前未置鹽鐵使財賦歸尚書省開元以後權移他官。由是有轉運使租庸使鹽鐵使度支鹽鐵轉運使常平鑄錢鹽鐵使租庸青苗使水陸運鹽鐵租庸使兩稅使隨事立名沿革不一。

通典上元以後天下出鹽各置鹽司節級。

唐會要開元元年十一月五日令大匠姜師度戶部侍郎強循俱攝御史中丞與諸道按察使檢校鹽鐵之課。

職官分紀開元二年河南少尹李傑充水陸轉運使轉運使之名自此始也。

唐會要開元十年八月十日。敕諸州鹽鐵。令刺史上佐。檢
察收課。

唐書齊抗傳。齊抗。以倉部郎中幹鹽利。

職官分紀。乾元元年。置鹽鐵使。稅鹽使。各巡院。留後。皆統
於使。

舊唐書食貨志。大歷五年。詔停轉運鹽鐵使。天下財賦。皆
歸晏堂之。晏旣罷黜。天下財賦錢穀。歸尚書省。旣而出納。
無所統。乃復置使。領之。建中初。詔天下山澤之利。當歸王
者。且總樞鹽鐵使。
玉海云。鹽鐵兼轉運。自晏始。

舊唐書貞元二十一年鹽鐵度支合爲一使。

舊唐書憲宗元和元年三月御史中丞武元衡奏轉運鹽鐵節度觀察使除授皆入閣謝。○開成四年令度支轉運鹽鐵合爲一使。

古今歲畧鹽監司官從九品掌鹽功簿帳。

五代會要罷巡院官置轉運使。

文獻通考鹽鐵使位在戶部度支之上。五代專以鹽鐵爲理財之要。分在三省之首。今之金部也。

舊五代史唐書同光二年詔鹽鐵度支戶部並委租庸使

管轄。

〔金〕劉晞顏新倉鎮碑同光三年趙德鈞鎮蘆軍因蘆臺鹵地置鹽場又舟行運鹽東去京國一百八十里相其地高阜平潤因置榷鹽院謂之新倉。

〔舊五代史〕唐書明宗監國敕停租庸名額依舊爲鹽鐵戶部度支三司。○豆盧革上言請停廢諸道鹽鐵使內勾司租庸院大程官。

〔通鑑〕後晉天福八年冬十月戊申立吳國夫人馮氏爲皇后后兄玉時爲禮部郎中鹽鐵判官帝驟擢用。

宋史職官志三司之職國初沿五代之制置使以總國計
通管鹽鐵度支戶部號曰計省位亞執政目爲計相其恩
數廩祿與參樞同○鹽鐵使掌天下山澤之貨關市河渠
軍器之事以資邦國之用副使以員外郎以上歷三路轉
運及六路發運使充判官以朝官以上曾歷諸路轉運使
提點刑獄充鹽鐵分掌七案四曰都鹽案○鹽鐵院勾覆
官一人○虞部郎中員外郎掌山澤苑囿場冶之事辨其
地產而爲之厲禁凡金銀銅鐵鉛錫鹽茗皆計其所入登
耗以詔賞罰○太府寺歲以香茶鹽鈔募人入豆穀實邊

○發運使副使判官掌經度山澤財貨之源兼制茶鹽泉寶之政

鹽政考都道大運使以總利權淳化間設制置其後或提領或以提刑兼茶鹽或以州刺史兼發運使。

運司志乾德三年始置轉運使以總利權命文臣權知凡一路財賦置轉運使掌之雖節度防禦團練觀察諸使及刺史皆不預僉書金穀之籍財利盡歸於上。○太平興國三年初置都轉運使又置副使增置諸路判官以京官爲之凡一路邊防盜賊刑獄按廉之任無所不總非但掌金

殺而已。都轉運使之設始此。

九朝編年備要淳化四年秋七月復權貨務置茶鹽制置使。

宋史真宗紀帝卽位夏四月丁未罷鹽鐵度支戶部副使咸平六年六月寇準爲三司使復鹽鐵度支戶部副使。

宋史仁宗時裁發運使上封者屢以爲非便蔣堂言唐裴耀卿劉晏第五琦李巽裴休皆嘗爲江淮河南轉運使不聞別置使名國朝卞衮王嗣宗劉師道亦止爲轉運兼領運司事而歲輸京師常足雖用其議後卒復

職官分紀慶歷七年。上命發運副使更不置正使。

宋史職官志崇寧三年。始別差官提舉茶鹽。

玉海至道元年。七月癸亥。以楊允恭爲都大發運使。改肇劃爲制置茶鹽使。○至道三年。罷鹽鐵度支戶部副使。○景德三年。二月癸巳。馮亮制置茶鹽。兼都大發運使。○嘉祐中。卽發運司置官專領運鹽事。

宋史神宗熙寧元年。三月乙酉。詔漕運鹽鐵等官各具財用利害以聞。

文獻通考宣和三年。詔河北京東路推行新法鈔鹽。可添

置提舉官一員此提舉茶鹽之所始也國朝茶鹽事舊隸發運使元豐間或以轉運常平官兼提舉或以提刑兼領知通提轄政和以後始專置官吏宣和三年置茶鹽提舉屬官一員此茶鹽幹也故提舉司存二幹官以此

遼史食貨志五京及長春遼西平州按卽今永平府置鹽鐵轉運度支錢帛諸司以掌出納

遼史百官志南京轉運使司亦曰燕京轉運司○轉運司職名某轉運使某轉運副使同知某轉運使某轉運判官遼史地理志南京道又曰燕京香河縣本武清縣孫村遼

於新倉置權鹽院

續文獻通考金初設轉運司後詔中外惟都轉運依舊專管錢穀自餘諸路轉運皆兼於按察

畿輔通志金滅遼以地屬京圻生齒既繁炊鍋益衆嘗設提舉司於寶坻秩視五品以重其選所轄諸場越支課居其半特除管勾一員以莅之

金劉晞顏新倉鎮碑初權鹽監守之官雖品秩幾於三品咸以流外當之大定中改權鹽院署置使司陞爲五品設副使之官兼從奉秩視諸刺郡以重其事先是新倉鎮權

鹽處其西其東則永濟務有永鹽之號亦別更爲使司每歲地官第其課績增損以殊殿最。後併永鹽於權爲一司。仍署爲寶坻鹽使司。

金史食貨志益都濱州舊置兩鹽司。大定三年四月併爲山東鹽司。十一月詔以銀牌給濱滄鹽使司。二十一年滄州及山東各務增羨冒禁鬻鹽。朝論慮其久或隳法。遂併爲海豐鹽使司。二十五年後惟置山東滄州寶坻莒解北京西京七鹽司。二十八年尚書省論鹽事。上曰鹽使司雖辦官課然素擾民。鹽官每出巡而巡捕人往往私懷官鹽。

所至求賄及酒食稍不如意則以所懷誣以爲私鹽鹽司苟圖美增雖知其誣亦復加刑宜令別設巡捕官勿與鹽司關涉庶革其弊五月勦巡捕使山東滄寶坻各二員滄置於深州及寧津縣寶坻置於易州及永濟縣秩從六品直隸省部各給銀牌取鹽司弓手充巡捕人○泰和元年十一月定進士授鹽使司官以榜次及入仕先後擬注

金史百官志省戶部官員置三司謂勸農鹽鐵度支戶部三科也貞祐罷之使一員從二品副使一員正三品僉三司事一員正四品同僉三司事一員正五品判官三員從

六品。○京東西南三路檢察司掌檢察毋犯私殺馬牛私鹽酒麴。

〔金史食貨志〕泰和四年六月詔以山東滄州鹽司自增新課之後所虧歲積蓋官既不爲經理而管勾監同與合干人互爲姦弊以致然也卽選才幹者代兩司使副以進士及部令史譯人書史譯史律科經童諸局分出身之廉慎者爲管勾而罷其舊官。

〔金史百官志〕按察使本提刑司貞祐三年罷止委監察採訪使一員正三品掌糾察私鹽酒麴。○都轉運使司正三

品。鹽鐵判官一員。從六品。

又有鹽鐵案司吏。

山東鹽使司與寶坻

滄解遼東西京北京凡七司。使一員。正五品。副使二員。正

六品。判官三員。正七品。

寶坻設二員。

掌幹鹽利以佐國用。管勾

二十二員。正九品。

寶坻設六員。滄州設四員。同管勾都同監皆省。

掌分管諸場發

買收納恢辦之事。監同七員。知法一員。司吏二十二人。女

直三人。漢人十九人。譯人一人。抄事公使四十人。○印造

鈔引庫使從八品。副正九品。判正九品。掌監視印造勘覆

諸路交鈔鹽引。兼提控抄造鈔引紙。承安四年罷四小庫。

并罷庫判四員。至寧元年設二員。貞祐二年作從九品。

〔元史百官志〕天都河間等路都轉運鹽使司秩正三品掌

場竈權辦鹽貨以資國用使二員正三品同知一員正四

品副使一員正五品運判二員正六品首領官經歷一員

從七品知事一員從八品照磨一員從九品國初立河間

稅課達魯噶齊史舊作達魯花赤今遵欽定語解改正清滄鹽使所後勘

立運司立提舉鹽權所又改爲河間路課程所提舉滄清

課鹽使所中統三年改都提領拘權滄清課鹽所至元二

年以刑部侍郎右三部侍郎兼滄清課鹽使司尋改立河

間都轉運鹽使司立清滄課三鹽司十二年改爲都轉運

使司十九年。以戶部尚書行河間等路都轉運使司事。尋罷。改立清滄二鹽使司。二十三年。改立河間等路都轉運司。二十七年。改令戶部尚書行河間等路都轉運使司事。二十八年。改河間等路都轉運司。延祐六年。頒分司印。巡行郡邑。以防私鹽之弊。鹽場二十二所。每場設司令一員。從七品。司丞一員。從八品。辦鹽各有差。利國場利民場。海豐場阜民場。阜財場益民場。潤國場海阜場海盈場海潤場嚴鎮場富國場興國場厚財場豐財場。三汊沽場蘆臺場越支場石碑場濟民場惠民場富民場。

元史食貨志大都之鹽。太宗丙申年。初於白陵港三汊沽。直沽等處置司。設熬煎辦。至元十九年。罷大都及河間山東三鹽運司。設戶部尚書員外郎各一員。別給印。令於大都置局賣引。後改立大都蘆臺越支三汊沽鹽使司。一。二十五年。復立三汊蘆臺越支三鹽使司。大德元年。罷大都鹽運司。併入河間。河間之鹽。太宗庚寅年。始立河間稅課所。癸卯年。改立提舉滄清鹽課使所。定宗四年。改真定河間等路課程所。爲提舉鹽樵滄清鹽使所。憲宗二年。又改河間課程所。爲提舉滄清深鹽使所。世祖中統元年。改立

宣撫司提領滄清深鹽使所四年改滄清深鹽提領所爲
轉運司至元二年改立河間都轉運司十二年改立都轉
運鹽使司十九年罷改立清滄鹽使司二十二年復立河
間等路都轉運鹽使司二十三年改立河間都轉運司通
辦鹽酒稅課○腹裏運使俸一百二十貫同知五十貫副
使三十五貫判官三十貫經歷二十貫知事一十五貫照
磨一十三貫○大都河間運司改設巡鹽官一十二員專
一巡禁○河間運司定設奏差一十二名巡鹽官一十六
員。

元史世祖本紀至元八年三月丙子改山東河間陝西三路鹽課都轉運司爲都轉運鹽使司十九年三月壬子議設鹽使司賣鹽引法擇利民者行之仍令按察司磨刷運司文卷十月丙申立蘆臺越支三汊沽鹽使司河間滄清鹽使司十二月罷諸鹽司令運司官親行調度鹽引二十二年立諸路常平鹽鐵坑冶都轉運司二十三年十月改河間鹽運爲都轉運使二十五年復蘆臺越支三汊沽三鹽使司八月以河間等路鹽運司兼管順德廣平綦陽三冶按本紀所載與食貨志詳畧不同故並志以資考證○成宗元貞元年閏四月各

處鹽使司鹽場改設司令。令丞五年。罷清深滄三鹽司。七年。併大都鹽運司入河間運司。○泰定二年。改河間鹽運司爲大都河間等路都轉運鹽使。

續文獻通考初置大都河間等路都轉運鹽使司。設官與兩淮等處同。大都常以戶部尚書充使。山東以中書左右部兼使。俱頒分符印。巡行郡邑。以防私鹽之弊。

元典章都轉運司。依按察司一體巡察。聖旨。官詔事理。委官行司催課等。依按察司一體馳驛支給。○各運司官。依驗課額。以十分爲率。若增一分。遷官一等。三分者。遷官二

等。五分以上。別加遷賞。○各運司運判。改從五品。依按察司例。給宣命金牌一。

元史成宗元貞二年。詔茶鹽轉運司。以三年爲代。

元典章巡鹽官吏。大使一員。副使一員。司吏一名。弓手六名。○鹽局官。從各處官司。於就近上戶內。選有抵業。通商賈信實者充。每局大使一員。副使一員。本路出給付身委用。開具花名。申宣慰司呈報。○凡行鹽地面。拘該行省宣慰司官一員。專一提調路府州縣。提點正官。鎮守把隘軍官。巡鹽捕盜等官。若身有奉行不知者。許廉訪司糾彈究

治。

元史食貨志元統二年於南北二城置局十有四處設賣鹽官二員。

元史百官志印造茶鹽等引局大使一員副使一員至元二十四年置掌印造腹裏行省鹽茶礬鐵等引仍置攢典庫子各一人。

明史食貨志太祖初起卽立鹽法置局設官

職官志作

年。設都轉運司六。置北平河間鹽運司後改稱長蘆所轄分司二。曰滄州。曰青州。批驗所二。曰長蘆。小直沽鹽場二。

十三 各鹽課司一

明實錄洪武十四年十月定考功之法鹽運司鹽課提舉司任滿俱從布政司考劾仍送提刑按察司覆考鹽運使五品以上任滿官黜陟取自上裁

續文獻通考都轉運使掌鹺事以聽於戶部同知副使判官爲之貳凡分司鹽課司鹽倉批驗所各以僚屬分任其事而都轉運使總領之謹受巡鹽御史之政令而申勵焉經歷典出納文移知事佐之

明史職官志十三道御史巡鹽長蘆一人

明會典永樂八年十二月吏部言官員考鹽運司判官考覈事例職掌未載請依本司堂上官例從之○永樂十三年差御史給事中內官各一員於各處關支鹽課

明史職官志永樂十四年初命御史巡鹽景泰三年罷長蘆兩淮巡鹽御史命撫按官兼理已復遣御史按舊志作正統十四年罷巡鹽御史

明會典正統三年又令兩淮兩浙長蘆等運司每歲各差御史一員巡視及督催鹽課景泰三年令巡河御史兼理鹽法裁省巡鹽御史

舊志正統三年。差侍郎并御史一年。兩巡長蘆。私鹽後定議。歲差御史巡視長蘆鹽法。由濟寧迤北。抵張家灣河渠。長蘆御史兼理之。

明會典景泰元年。令運司同知副使判官等官。各定分司。催督鹽課。不得更易互管。仍按季具數總司查併。遇有考滿。止開該催分司鹽數稽考。及有事故等項。但許附近分司帶管。不得轉委。○景泰二年。令各處歲辦鹽課。經管官員。務依時催督煎辦。按季開報若干。上司年終出給總足通關奏繳。如有拖欠。該九年考滿。住俸。催足方準給由。

明史食貨志巡鹽之官。洪永時嘗一再命御史視鹽課。正統元年始命侍郎何文淵王佐副都御史朱與言提督兩淮長蘆兩浙鹽課。命中官御史同往。未幾以鹽法已清。下敕召還。後遂令御史視鹺。依巡按例。歲更代以爲常。十一年以山東諸鹽場隸長蘆巡鹽御史。嘉靖二十九年特命副都御史鄧懋卿總理四運司事。權尤重。自隆慶二年副都御史龐尚鵬總理兩淮長蘆三運司後。遂無特遣大臣之事。

明會典成化二十二年奏準。各鹽場官皆週歲考滿。卽守

支所辦鹽課。其有支清附餘。盤與見任官接管給由。不得任外久住。及任內託故去任。每三年。卽令各處盤糧給事中御史查盤。○宏治元年。令各處鹽場官。仍舊九年考滿。○宏治八年。令各運司及分司官。任內鹽課拖欠者。不許赴部考滿。及別陞官職。○宏治十二年。令運司官考滿。務開任內各年分。已辦過正課若干。補課若干。如正課已清。補課未足者。亦不許申送給由。

舊志長蘆之以御史巡鹽。自明永樂十三年。渤海之間。私販蠭起。撓法。因以柱史彈壓之。未嘗專設。宣德間。或數歲。

一遣後以巡河御史兼理正統元年差侍郎並御史一年
兩巡未幾召還止差御史中或差侍郎或差都御史或以
侍郎兼都御史嘉靖中凡六七遣焉給事中郭鋈論其不
便乃已及嚴氏專政差鄢懋卿以清理爲名實則加課商
竈騷然隆慶二年再差都御史者三閣下論罷其二萬歷
間雖不遣而內監張華輩用事凡正差巡鹽章奏多不得
奉明旨及天崇而益弊矣○運使之設昉於後魏宋乃設
河北都轉運使之名元爲大都河間等路都轉運鹽使迨
明又改曰河間長蘆都轉運使永樂時省河間二字萬歷

二十一年巡鹽御史姚思仁以行鹽州縣不相統轄題請

照兩淮運使例加憲銜

按兩淮運使加憲銜例兩淮鹽法志不載

不行崇禎七

年部議運使照道臣體統行事賜敕一通

明史職官志都轉鹽運使司都轉運使一人從三品同知

一人從四品副使一人從五品判官無定員從六品其屬

經歷司經歷一人從七品知事一人從八品庫大使副使

各一人所轄各場鹽課司大使副使各鹽倉大使副使各

批驗所大使副使并一人俱未入流都轉運使掌鹽鹽之

事同知副判分司之都轉運司凡六三曰長蘆分司十四

滄州青州隸長蘆督各場倉鹽課司以總於都轉運使共奉巡鹽御史或鹽法道臣之政令。○戶部山東司帶管各鹽運司貴州司帶管長蘆鹽運司。○各鹽運司銅印方二寸六分厚五分各鹽運司經歷銅印方二寸一分厚三分。
舊志明初以二十四鹽場判爲南北設運同於滄州境內治之萬歷二十一年復設青州分司與運判分轄南北各場萬歷四十年移駐天津兼管放關。按萬歷間準巡鹽御史姚思仁請改運同爲青州分司改運判爲滄州分司乃交相更調非復設也。○洪武初制以判官爲青州分司轄北十二場隆慶間裁併爲九場同知爲滄州分司轄南十二

場萬歷二十一年巡鹽御史姚思仁請將兩司所轄地方並印務交相更調遂改同知爲青州分司以北場屬之改判官爲滄州分司以南場屬之○長蘆鹽運司副使一員景泰八年裁。

明史職官志批驗所大使一人副使一人掌驗茶鹽引。

明史食貨志張家灣鹽倉檢校批驗所大使副使各一人隆慶六年並革。



長蘆鹽法志附編

援證六下

歷代職官傳

晉

度支尚書

杜預字元凱京兆杜陵人博學多通明於興廢之道泰始中守河南尹凡所施論務崇大體受詔爲黜陟之課除秦州刺史朝廷皆以預明於籌畧詔定計省閭閻俄拜度支尚書乃奏立籍田定穀價較鹽運制課調在內七年損益萬

幾朝野稱美。伐吳既平。振旅凱入。以功進爵當陽縣侯。都督荊州。化被萬里。公私同利。衆庶賴之。號曰杜父。卒。武帝甚嗟悼。進贈征南大將軍。開府儀同三司。謚曰成。

唐

檢責鹽鐵

姜師度 強循

諸道鹽鐵使

劉晏字士安。南華人。七歲舉神童。授秘書省正字。寶應二年。遷吏部尚書平章事。領度支鹽鐵轉運租庸使。至德初。

第五琦於諸道權鹽。及晏代其任。法益精密。官無遺利。初歲入錢六十萬貫。季年所入逾十倍。而人無厭苦。大歷末。通計一歲徵賦所入。總一千二百萬貫。而鹽利且過半。朝廷獲美利。天下無甚貴賤之憂。軍國之用。皆仰於晏。

穆寧。

第五琦。字禹珪。長安人。天寶初。爲錄事參軍。奏事得謁。見拜監察御史。尋加山南等五道度支使。遷司金郎中。兼御史中丞。使如故。創立鹽法。就山海井竈。收權其鹽。官置吏出糶。其舊業戶。並浮入。願爲業者。免其雜徭。隸鹽鐵使。盜

煮私市罪有差。人不益稅。而上用以饒。遷戶部侍郎。兼御史中丞。與判度支。領河南等道度支。都勾當。轉運。租庸鹽鐵鑄錢等使。加同中書門下平章事。贈太子少保。

包佶。元琇。韓滉。李竦。竇參。張滂。李衡。王

緯。程昇。皇甫鏞。李若初。李錡。杜佑。

李巽。字令叔。趙州贊皇人。以明經補華州參軍事。舉拔萃。授鄴尉。順宗立。擢兵部侍郎。杜佑表爲鹽鐵轉運副使。俄代佑。自劉晏後。職廢不振。賦入朘耗。巽莅職一年。較所入如晏最多之年。明年過之。又明年增百八十萬緡。再遷吏

程異坐王叔文廢異特薦引之異之計較精於異
故異能善職蓋有助云贈尙書僕射

盧坦李邕王播柳公綽王涯令狐楚李石

楊嗣復崔珙薛元賞馬植崔瓌盧宏正

裴休柳仲郢夏侯孜趙隱徐商杜棕于琮

劉鄴徐彥昭裴坦高駢韋昭度孔緯朱

玟杜讓能崔昭緯徐彥若崔允裴樞柳璨

鹽鐵副使

王叔文李異潘孟陽程异王播

鹽鐵判官

王紹。劉禹錫。姚勗。張文蔚。

鹽鐵巡官

盧程。

五代

諸道鹽鐵使

韓建。薛貽矩。趙光逢。任圜。孔謙。李崧。馮道。

鹽鐵判官

張儁。邊尉。薛居正。馮玉。顏衍。

權鹽使

王景遇。

鹽鐵推官

張澹。高防。

宋

鹽鐵使

陳恕字仲言。洪州南昌人。少爲縣吏。折節讀書。太平興國二年進士。判吏部選事。拜鹽鐵使。恕有心計。釐去宿弊。太宗深器之。親題殿柱曰真鹽鐵陳恕。淳化四年。太宗從魏

長廬鹽法志

附編
職官傳
履證六下

羽段惟一之請。分三司爲十道。置左右計使。召恕爲工部侍郎充總計使。判左右計事。左右計使分判十道事。凡議論計度。並令恕等參預。恕極言其非。使歲餘果罷。復以恕爲鹽鐵使。贈吏部尙書。

張平。張遜。魏羽。劉保勲。張雍。王嗣宗。任布。王沿。

鹽鐵副使

陳象輿。雷有終。宋太初。謝泌。朱台符。陳貫。卞袞。丁謂。劉鋹。林特。林澼。趙稹。王勣。蔣

堂 張若谷 高覲 李迪 李昭述 鞠咏 司馬池

王鼎 陳炎 楊曰嚴

魚周詢字裕之開封雍邱人舉進士爲三司鹽鐵副使徙河北都轉運使拜右諫議大夫權御史中丞慶歷八年手詔近臣訪天下之務周詢對曰官立鹽禁驅民齋輦蕩析恒產怨咨盈路速宜經度以紓匱乏願委安撫使與本路守邊掌計臣僚同議使通鹽商之利改錢幣之法宣布德澤與民休息執政及近臣所對多疎闕仁宗頗嘉周詢詳敏

張錫 張盥之 劉元瑜 劉湜 仲簡 李參 郭申
錫 范師道 楊佐 吳充 王舉元 王克臣 李壽
朋 李復圭 潘夙 沈起 傅堯俞

鹽鐵判官

劉蒙叟 樊知古 陳若拙 張觀 李若拙 韓國華
索湘字巨川滄州鹽山人開寶六年進士釋褐鄆州司理
參軍轉運使和峴薦其能遷太僕寺丞充度支巡官改太
子右贊善大夫轉殿中丞充推官拜監察御史九年河決
命與戶部推官元玘同按行會詔下東封與劉蟠同知秦

山路轉運事。又爲河北轉運副使。湘經度供餽以能幹聞。事集。加屯田員外郎。雍熙中。召爲鹽鐵判官。改駕部員外郎。端拱二年。河北治方田。命副樊知古爲招置營田使。會議罷。復爲河北轉運使。轉虞部郎中。選爲將作少監。有訟其擅易運絲以自用者。坐授膳部員外郎。知相州時。有羣盜聚西山。下掩擊而盡擒之。詔復舊官。命爲河東轉運使。真宗卽位。入爲右諫議大夫。復充河北轉運使。會言馬者。請許榷場商旅以茶藥等物販易於北界。北界商旅許於雄朔州市易。資其貿遷。庶息邊患。詔湘詳議以聞。乃上言。

曰。北邊自興置權場商旅輻輳。制置深得其宜。今若許其
交相販易。則沿邊商人深入戎畝。竊爲非便。又北界商人
若至雄霸其中。或雜姦僞。何由辦明。况邊民易動難安。望
且仍舊爲便。湘少文而長於吏事。歷邊郡所至必廣儲蓄。
爲備豫計。出入軍旅間頗著能名。先是邊州置權場互市。
而自京輦物貨以充之。其中茶茗最爲煩擾。復道遠多損。
敗湘建議。請許商賈緣江載茶詣邊郡入中。旣免道途之
耗。復有征算之益。又威虜靜戎軍歲燒緣邊草地。以虞南
牧言事者。又請於北砦山麓中興置銀冶。湘以爲召寇。亦

奏罷之咸平二年入爲戶部使受詔定三司編敕坐與王
扶交相請託擅易板籍責授將作少監三年出知許州徙
荆南復爲右諫議大夫知廣州。

雷有終 范正辭 張雍 石中立 魏羽 陳省華

宋濤 王彬

寇準淳化初旱蝗召羣臣問以得失衆以天數對準曰洪
範天人之際應若影響蓋刑有不平所致也是時祖吉王
淮皆侮法受賕吉伏誅淮以兄參政汚減死止受杖故準
有是論又準嘗奏事不合帝怒起準輒引帝衣復坐事決

乃退。咸和六年。以準爲三司使。三司謂鹽鐵度支戶部也。政有條理。使民無壅遏。輿論戴之。

薛顏。張秉。鄭向。李防。王子與。陳貫。王濟。
周渭。戚綸。李紘。呂居簡。任中行。寇瑊。陳執
中。李虞卿。盛度。石揚休。高覲。李迪。李東之。
王子融。劉平。柴誼。李昭遘。張子憲。葉清臣。
鞠泳。王鼎。周湛。雷簡夫。沈邈。蘇紳。張錫。
方偕。劉湜。王琪。王拱辰。呂大防。楊大雅。
任顗。楊佐。王珪。朱壽隆。滕元發。楚建中。韓

忠彥。

鹽鐵勾院

張雍。謝泌。任中行。石揚休。李仕衡。葉清臣。

周湛。楊察。夏安期。齊廓。賈黯。韓宗彥。張錫。

河北都轉運使

李紘。李仕衡。李東之。胡則。韓崇訓。李昭述。

王鼎。施昌言。陳希亮。陳升之。

呂公弼。字寶臣。壽州人。夷簡子。登進士。積遷直史館。河北

轉運使。自寶元慶歷以來。宿師備邊。民疲餽餉。公弼始通

御河漕粟實塞下。冶鐵以助經費。移近邊屯兵。就食京東。增城卒。給版築。蠲冗賦。及民逋數百萬。仁宗問知公弼名。識於殿柱。至是益材其爲。擢都轉運使。加龍圖閣直學士。知瀛州。常奏事退。帝目送之。謂宰相曰。公弼甚似其父。英宗罷三司使。召公弼代之。拜樞密副使。贈太尉諡惠穆。

包拯字希仁。進士。除大理評事。歷三司戶部判官。徙河北。三司戶部副使。都轉運使。請去刻薄。抑僥倖。正刑明禁。戒興作。禁妖妄。朝廷多施行之。初解州鹽法。率病民。拯往經度之。請一切通商販。多惠政。除龍圖閣學士。開封府尹。有

奏議十五卷。謚孝肅。

趙抃。唐介。

歐陽修。幼孤。稟母教。擢甲科。知諫院。著明黨論。言事切直。奉使河東時。西方用兵。議者欲廢麟州以省餽餉。修建言。麟州天險。廢之則河內郡縣不安。不若分兵駐河內諸堡。緩急可恃。而平時可省轉輸。於策爲便。凡河東賦斂過重。民所不堪者。悉奏罷之。除龍圖閣直學士。兼河北都轉運使。簡易循理。不求赫赫名。熙寧四年。以太子少師致仕。謚曰文忠。

張盥之。彭思永。李參。王居卿。周沆。王舉元。
顧臨。蹇周輔。韓贊。許幾。梁子美。陳遵。

河北轉運使

王賓。張去華。王嗣宗。索湘。裴莊。田京。王欽
若。寇瑊。高覲。韓億。李昭述。王沿。鄭驥。魚
周詢。

燕度。字唐卿。燕肅子。登進士。皇祐甲午。權河北轉運副使。
度有心計。凡六佐大農。慶歷中。三司請權河北鹽度。言川
陝不榷酒。河北不禁鹽。此祖宗順民俗。不易之制也。權之

非是會張平叔亦論之議遂寢。

呂公弼。

張存。

張錫。

張孜。

史作冀州貝州瀛州三州轉運使

錢象

先。

劉庠。

張問。

劉瑾。

潘夙。

陳邁。

范子奇字中濟河南人范忠所孫階祖蔭僉書并州判官。

歷河東陝西河北京東四路轉運使工部左司二郎中加

直龍圖閣使河北諸郡猶權鹽奏罷之入爲吏部侍郎以

待制致仕。

河北轉運副使

索湘。

田錫。

劉綜。

陳炎。

范祥。

孫覽。

呂大防。

蔣之奇。

河北轉運判官

王廣。李南公。

河北鹽稅司

周革。

遼

權鹽制置司

張藏英。涿州范陽人。唐末契丹用爲蘆臺軍使。兼權鹽制置使。領坊州刺史。周廣順三年。率內外親屬並所部兵千

餘人及煮鹽戶長幼七千餘口。牛馬萬計。舟數百艘航海歸周。宋初遷瀛州團練使。按藏英終爲宋臣。而爲蘆臺權鹽使時。則遼也。

金

燕京路都轉運使

按燕京於貞元元年改爲中都府曰大典。

劉麟

中都路都轉運使

左淵

王蔚字叔文香河人。皇統二年進士。由郎中任。歷官尙書

右丞。

劉樞字居中。三河人。天眷二年進士。

張亨字彥通。灤陰人。皇統六年進士。

馬琪字德玉。寶坻人。正隆五年進士。由戶部侍郎任。歷官

參知政事。

鄧儼字子威。宜民人。天德三年進士。

孫鐸字振之。歷亭人。大定十三年進士。泰和中再任。歷官

參知政事。太子太師。

張巖叟字孟弼。五臺人。大定十九年進士。後又爲河北東

西大名等路按察轉運副使。

按泰和八年。詔諸路按察使
兼轉運使。

高汝礪字巖夫。金城人。大定十九年進士。歷官尙書右丞。封壽國公。

孟奎字元秀。遼陽人。大定二十一年進士。

郭傑字伯有。潭州人。大定二十二年進士。

武都字文伯。東勝州人。大定二十二年進士。

任天寵字清叔。定陶人。明昌二年進士。歷官戶部尙書。諡純肅。

〔同知中都路都轉運使〕

梁肅字奉容。奉聖州人。天眷二年擢進士。大定三年除河

北東路轉運副使。是時兵食不足。詔肅措置沿邊兵食。移牒肇州北京廣寧鹽場。許民以米易鹽。兵民皆得其利。七年。遷中都都轉運使。轉吏部尙書。久之。爲濟南尹。致仕。諡正憲。

王震。

奚頤。

舒穆魯。

史舊作石抹。今遵改正。

欽定語解

宋晟。宛平人。正隆五年進士。

中都路都轉運副使

魏子平。字仲均。宏州人。進士。

張九思。字全行。錦州人。歷官工部尙書。

伊喇道歷官平章政事封華國公

史舊作移刺道今遵欽定語解改正

李滌

李偲字子友安喜人天眷二年進士

劉兢

李愈字景韓正平人正隆五年詞賦進士由解州刺史任

中都路鹽鐵判官

趙昂

河北東路轉運使

劉敏行平州人天會三年進士由肥鄉令任

季京。

高錫字永之以陰補官累遷河北東路按察轉運使。

同知河北東路轉運使

梁肅。

河北東路轉運副使

烏庫哩仲溫蓋州人大定二十五年進士。

史舊作烏古論仲溫今遵

欽定語解改正。

滄州鹽副使

趙重福字履祥豐州人同知陳州防禦事改滄州鹽副使。

歲饑民煮鹵爲鹽賣以給食。鹽官往往杖殺之。重福曰。寧使課殿不忍殺人。歲滿課殿當降。尙書右丞完顏匡。三司使按春。史舊作按出虎。今遵欽定語解改正。知其事。乃以歲荒薄其罰。除織染署令。遷河東北路轉運使致仕。

元

兼諸路轉運使

阿哈瑪特

史舊作阿合馬。今遵

欽定語解改正。

河間路都轉運使

張庸。

倪德政至元二年以中書省左右司郎中爲禮部侍郎兼司饗職善績上聞遷中都路都轉運使。

趙師魯字希顏霸州文安人致和初參議樞密院事天歷中兵部侍郎久之出爲河間路轉運鹽使除害興利法度修飭絕巡察之奸省州縣厨傳贈遺之費寇戶商人無不便歲課遂大增贈禮部尙書天水郡侯諡文清。

高謙磁州人釋褐後官將仕佐郎歷轉河間都轉運鹽使常州湖州路總管致仕所纂有格例百餘冊。

同知轉運使事

答木丁。

副使

王進。崔鶚。

高源字仲淵。晉州人。河間等路都轉運副使。撫治有條。竈戶逃者皆復業。常賦外羨餘幾十萬緡。歷官同知湖南道宣慰司事。

鹽判

張仲智。李士珍。李昭。

河間路都轉運鹽司經歷

王榮。

謝讓字仲和。潁川人。幼穎悟。好學。及壯。推擇爲吏。調河間等路都轉運鹽司經歷。先是竈戶在軍籍者。悉除其名。以丁多寡爲額輸鹽。其後多僱舊戶。代爲煮鹽。而僱錢甚薄。讓言軍戶旣落籍爲民。當與舊竈戶均役。旣令代役。豈宜獲薄其傭。使重困乎。自今僱人必厚與直。先是逃亡戶。率令覓戶包納其鹽。由是豪強者以計免。而貧弱愈困。讓令驗物力多寡。比次甲乙以均之。擢南臺御史。歷官陝西。行省參知政事。追封陳留郡公。諡憲穆。

鹽使

曹巖臣

寶坻鹽使作崔岩臣

趙孟顥

趙鑄

見興寶廟碑

管勾

李伯俊

劉甫

見興寶廟碑。按元史百官志每場設司令司丞無管勾之官。考徐世隆越支場碑謂

金特除管勾一員元初蓋沿金制也。

明

巡鹽御史

按明初皆以部院巡鹽永樂十三年始以御史彈壓不專設

于謙字廷益錢塘人永樂辛丑進士於宣德初授御史時

鹽政廢弛命謙率錦衣官校捕長蘆一帶馬船夾帶私鹽

者謙不避權勢。悉寘之法。鹽政爲之一清。歷官兵部尙書。宏治二年。贈太傅。諡肅愍。萬歷中改諡忠肅。

何文淵。正統元年。以侍郎兼任。

王佐。正統元年。以侍郎兼任。

朱與言。正統元年。以副都御史。偕中官御史提督兩淮長蘆兩浙鹽課。兼任。未幾召還。仍差御史。

丁澄。字本清。吳興人。進士。正統十一年任。兼理山東鹽法。按正統十一年。長蘆巡鹽御史始兼理山東鹽法。

耿九疇。字禹範。盧氏人。永樂末進士。宣德六年。授禮科給

事中。正統初。大臣言兩淮鹽政久壞。於是推擇爲鹽運司同知。痛革宿弊。條奏五事。著爲令。母喪去官。場民數千人詣闕乞留。十年正月。起爲都轉運使。節儉無他好。廉名益振。留爲刑部右侍郎。屢辨疑獄。無所撓屈。兩淮白九疇去後。鹽政復弛。景泰元年。仍命兼理。四年。乃轉右副都御史。上疏陳事。皆嘉納。改南京刑部尚書。卒。諡清惠。按明史。耿九疇以部院巡鹽。無專巡長蘆事。今據舊志載入。○以後景泰七年內舊志皆闕。

俞璟字子玉。福清人。景泰甲戌進士。天順三年任。

婁芳字永譽。會稽人。天順庚辰進士。成化元年任。

潘瑄字廷璽洛陽人天順庚辰進士成化二年任。

阮玘字廷用安福人天順甲申進士成化三年任。

傅實字汝秀豐城人天順甲申進士成化四年任。

林誠字貴實莆田人天順甲申進士成化五年巡長蘆鹽疏言深州海盈等十三場陸路寫遠商人不支鹽課鹽觔堆積年久消折請以二大引分爲四小引議價折布解庫是爲邊布之始。

婁謙字克讓上饒人成化丙戌進士成化六年任歷官布政使。

張誥字汝欽華亭人成化丙戌進士成化七年任

林符字朝信吳縣人成化丙戌進士成化八年任歷官都

御史

劉喬字述憲萬安人成化丙戌進士成化九年任

張曉字光曙三原人成化丙戌進士成化十年任

謝顯字時榮會稽人成化己丑進士成化十一年任遷副
使

王錦字尙綱襄城人成化己丑進士成化十二年任

徐謙字伯亨太康人成化己丑進士成化十三年任

王輔字良弼同州人成化壬辰進士。成化十六年任。
趙英字儲秀蘭州人成化壬辰進士。成化十七年任。
謝文字道顯金州人成化戊戌進士。成化十八年任。
錢承德字世恒常熟人成化乙未進士。成化二十年任。歷
官布政使。

史瑛字廷珍稷山人成化戊戌進士。成化二十一年任。
黃煥字敦實龍溪人成化壬辰進士。成化二十二年任。按
學題名碑錄作黃煥。

李煜字文暉閬縣人成化壬辰進士。成化二十三年任。

葛萱字光庭高郵人成化戊戌進士宏治元年任。

李嗣字宗述南海人景泰甲戌進士宏治元年以戶部侍郎兼理。

馬良玉字德純成都衛籍成化辛丑進士宏治二年任。

韓福字德夫西安衛籍成化辛丑進士宏治三年任歷官都御史。

程文字載道確山人成化辛丑進士宏治四年任歷官太常寺卿。

曾祿字汝學博羅人成化辛丑進士宏治五年任遷副使。

張黻字廷儀陽城人。成化甲辰進士。宏治六年任。遷副使。邵蕃字文盛。餘姚人。成化甲辰進士。宏治七年任。遷副使。陳策字廷獻。武陵人。成化丁未進士。宏治八年任。

胡華字惟峻。武進人。成化丁未進士。宏治九年任。歷官布政使。

高崇熙字文明。石州人。宏治庚戌進士。宏治十年任。歷官都御史。

劉弼字直之。安陽人。宏治癸丑進士。宏治十一年任。

陳玉字德輝。輝縣人。宏治癸丑進士。宏治十二年任。遷僉

事按太學題名碑錄作高郵人。

姜實字若虛蒲城人。宏治庚戌進士。宏治十四年任。遷僉事。

王璟字廷采。沂州人。成化壬辰進士。宏治十四年。以右僉都御史巡長蘆鹽。條陳鹽法時論善之。按明史璟本傳及食貨志不載其理長蘆鹽政。今仍舊志及畿輔通志存之。

楊滋字天澤。定興人。宏治庚戌進士。宏治十五年任。遷僉事。

王凱字文相。蠡縣人。宏治庚戌進士。宏治十六年任。遷參

政。

秦銳字克進。會稽人。宏治庚戌進士。宏治十八年任。遷副使。

邵清字希朴。江寧人。進士。正德元年任。

涂正字賓賢。新淦人。宏治己未進士。正德二年任。

王瓊字德華。太原人。成化甲辰進士。正德二年。以僉都御

史巡長蘆鹽條陳鹽法數事。歷官兵部尙書。按明史本傳

年擢右副都御史。明年入爲戶部右侍郎。不著巡長蘆鹽事。今仍舊志及畿輔通志存之。

宇文鍾字伯秀。乾州人。宏治壬戌進士。正德三年任。

盛鵬字萬里。祥符人。舉人。正德四年任。

崔哲字晦夫。杞縣人。宏治己未進士。正德五年任。

高公韶字太和。內江人。宏治乙丑進士。正德六年任。歷官副都御史。

于鏊字器之。儀徵人。正德戊戌進士。正德七年任。歷官按察使。

徐讚字朝儀。永康人。宏治乙丑進士。正德八年任。歷官工部侍郎。

余珊字德輝。桐城人。正德戊辰進士。授行人。擢御史。九年

巡長蘆鹽發中官奸利事爲所誣械繫詔獄謫安陸判官
移知澧州世宗立擢江西僉事討平梅花崗賊遷四川副
使備兵威茂嘉靖四年應詔陳十漸疏反覆萬四千言終
四川按察使

陳軾字子敬應城人宏治乙丑進士正德十年任歷官戶
部侍郎

萬鏊字仕時進賢人正德戊辰進士正德十一年任

吳閏字朝言武進人正德辛未進士正德十二年任

王完字仲修遂寧人進士正德十三年任

舊志不載今據山東舊志補入

監葺。卽墨人。成化甲辰進士。正德十三年。以刑部侍郎兼
僉都御史整理。

陳雍宅。字卽卿。餘姚人。正德甲戌進士。十四年。巡長蘆鹽。
以商鹽賣畢。或退引不銷。往來影射。致官鹽不行。請於告
掣之時。繳銷舊引。始給新引。水程查比店戶。以絕私販。由
是官鹽大行。歷官副都御史。

范永鑾。字汝和。桂陽人。正德甲戌進士。正德十五年任。歷
官布政使。

鄒光琬。字世潤。莆田人。正德丁卯舉人。正德十六年任。遷

參議

盧瓊字獻卿。浮梁人。正德辛未進士。嘉靖元年任。

景重光字文華。偃師人。正德辛巳進士。嘉靖二年任。遷僉事。

鄧顯麒字文瑞。奉新人。正德甲戌進士。嘉靖三年任。遷僉事。

高世魁字紹甫。閩縣人。正德辛巳進士。嘉靖四年任。

陳大器字國成。湖陽人。正德丁丑進士。嘉靖五年任。

魏有本字伯深。餘姚人。正德辛巳進士。嘉靖六年任。

王舜耕字于田常熟人正德丁丑進士嘉靖七年巡長蘆鹽疏稱蘆鹽行順天衛輝等十府保安隆慶諸州東鹽行濟南等六府徐宿二州近蘆鹽止行於順天大名衛輝二府東鹽止行於兗州東昌二府徐宿二州其餘州縣官鹽一引不用商人水程一張不領蓋與販滿道煎燒蔽野也請令各州縣選有基業行止人戶充當店家鋪行冊報巡鹽衙門轉行各運司按季驗數查撥商引赴所在官司告撥各鋪依時價變賣每季終將賣過數目備開查考果有著實舉行指實施獎或虛文搪塞參提問罪則官鹽自疏

私鹽不待禁而自絕。又言竈丁日夜煎辦鹽課。終歲勤勞。比之百姓困苦尤甚。近來有司。往往有民竈之分。不肯概加賑恤。以致流離逃竄者多。今年三月內。據長蘆運司開報。極貧應賑竈丁四千餘人。在倉粟穀止一百餘石。適臣巡歷其地。各竈遮道叫號。情實可憫。臣行令運司量行湊給銀米外。臣思長蘆山東地方。見被災傷。若不先期預備。誠恐粟穀有限。貧竈無窮。臨時不免無措。查通州見貯臣巡鹽衙門三分鹽牙行銀三千六十兩有零。合無於內解長蘆運司五百兩。解山東運司五百兩。著令趁時糴穀。收

候青黃不接之際。賑恤貧竈。其餘剩銀兩。仍留通州貯庫。以備緩急之用。

傅炯字朝晉。進賢人。嘉靖癸未進士。八年。巡長蘆鹽。疏言。每鹽一引。例帶耗二百五觔。近來寬恤商人。連包索以二百五十觔爲正數。此外餘鹽。逐觔納價。仍問以夾帶罪。各立法未爲不密。但商人貪利築鹽一飽。或至五百觔。或至六七百觔者。奸竈惟知多賣。商人惟知夾帶。遂使節年引目。經久不完。請自後支鹽出場。每包正條有過四百觔者。除問罪外。將來帶餘鹽盡數入官。又疏言。青州分司屬之

濟民等四場商人實難支掣。請將本色盡行折價。每引折銀一錢。商竈便之。

詹寬字仁量。莆田人。正德辛巳進士。嘉靖九年任。

王德溢字懋中。連江人。嘉靖丙戌進士。嘉靖十年任。

黃臣益都人。進士。嘉靖十年。以副都御史兼理。

王純字子書。滄州人。進士。以僉都御史兼理。

舊志在黃臣後。不著年月。

阮徽字崇節。安福人。舉人。嘉靖十一年任。

按山東舊志作阮徽。

鄧直卿字正與。南海人。嘉靖丙戌進士。十二年。巡長蘆鹽。

以各場竈灘草場界限不明。豪強越界侵耕。遂使煎辦無

資課額多累。奏照宏治元年例。委運司會同府佐正官清
查還官築立界堤。分撥竈民管業。如有侵占典賣。照侵占
盜賣官田例罪之。又奏竈丁之有餘鹽。猶農人之有餘粟。
無惑乎其私鬻也。故添引目以收勤竈之鹽。但引目可添。
而餘鹽不可革。行鹽費用倍於正價。故寧築大包聽掣。利
餘鹽以補正項之虧折。若革去餘鹽。則商人無利。今宜添
刷引目。如兩淮正額七十餘萬引。則每年添刷引目一百
五十萬。其正額七十餘萬引。仍以六分爲常股。四分爲存
積。商人報中常股。正課還按舊價。令其上納本色。赴場支

領正鹽一引。許帶餘鹽一引。依原定價銀。就令承買。如正副之外。猶有餘者。依例割沒入官。若添刷一百五十萬引。每年盡數開邊中正鹽一引。令其中新添者二引。新添者量減價銀一半。年豐上納本色。歲歉上納折色。領文赴運司。分撥鹽多場分。聽其自買。則在邊者開中既多。而倉儲自實。在場者收買既衆。而私販自銷。皆中一時利弊。又嘗捐俸助修學宮。以振文教。

曾翀。字習之。霍邱人。嘉靖己丑進士。嘉靖十三年任。陳遷。字大益。龍溪人。正德乙卯舉人。嘉靖十四年任。

謝少南字應午。上元人。嘉靖壬辰進士。嘉靖十五年任。

李乘雲字子雨。釣州人。嘉靖壬辰進士。嘉靖十六年任。

陳讓字原禮。晉江人。嘉靖壬辰進士。嘉靖十七年任。

舒汀字紹安。侯官人。嘉靖乙未進士。嘉靖十八年任。

党承賜字汝錫。忻州人。嘉靖壬辰進士。嘉靖十九年任。

錢應揚字俊民。餘姚人。嘉靖乙未進士。嘉靖二十年任。舊志

作嘉靖十年任。據山東志改。

郭廷冕字秀文。文水人。嘉靖乙未進士。嘉靖二十一年任。

裴紳字子書。蒲州人。嘉靖戊戌進士。嘉靖二十二年任。歷

官都御史。

楊九澤字子德華陰人嘉靖戊戌進士嘉靖二十三年任盛唐字原岡嘉善人嘉靖戊戌進士嘉靖二十四年任。按學題名碑錄作仁和人

張洽字文德山陰人嘉靖辛丑進士嘉靖二十五年任。

王應鐘字懋復侯官人嘉靖辛丑進士嘉靖二十六年任劉時進字子亨中牟人嘉靖甲辰進士嘉靖二十七年任朱有孚字子貞海寧人嘉靖甲辰進士嘉靖二十八年任趙鏜字仲聲江山人嘉靖丁未進士二十九年巡長蘆鹽

奏改黑土課米折價。又請將深州海盈場內居住真定府
衡水縣等竈戶。照例折色。每引納銀一錢。又疏言。長蘆山
東二運司各場竈戶。役費已繁。竈丁雖屬運司。名籍實在
州縣。有司恒重民而賤竈。畧無存恤。妄加科派。宜議除豁。
行令各該撫按衙門。申諭有司。事在州縣。卽與從公分理。
事在運司。卽與解人勘報。如遇編審之年。查實優免。亦不
許竈丁兩相影射。躲避身役。竈甚德之。

陳善治字時化。巴縣人。嘉靖丁未進士。嘉靖三十年任。
吳遵字公路。海寧人。嘉靖丁未進士。嘉靖三十一年任。

吳伯朋字惟錫義烏人嘉靖丁未進士嘉靖三十二年任
曹光字厚實平湖人嘉靖丁未進士嘉靖三十三年任
馬斯臧字遠謨釣州人嘉靖庚戌進士嘉靖三十四年任
王詠字于詩四川嘉定人嘉靖庚戌進士嘉靖三十五年
任。

何大章海陽人嘉靖丁酉舉人嘉靖三十六年任。

姜徹字君治南昌人嘉靖癸丑進士嘉靖三十七年任。

陳瑞字孔麟長樂人嘉靖癸丑進士嘉靖三十八年任。

劉志伊字可任慈谿人嘉靖丙辰進士嘉靖三十九年任。

鄒懋卿。豐城人。進士。嘉靖三十九年。以副都御史總理四運使鹽法。

陳紀。字仲理。甌寧人。嘉靖丙辰進士。嘉靖四十年任。

鄒應龍。字雲卿。長安人。嘉靖丙辰進士。嘉靖四十一年任。歷官兵部侍郎。

陳萬言。字道襄。南海人。嘉靖丙辰進士。嘉靖四十一年任。馮善。字可欲。沙寧守禦千戶所人。嘉靖己未進士。嘉靖四十二年任。

李文績。宜賓人。嘉靖己未進士。嘉靖四十三年任。

王乾章。東陽人。嘉靖壬戌進士。嘉靖四十四年任。

劉翽。內江人。嘉靖壬戌進士。嘉靖四十五年。巡長蘆鹽。隆慶元年時。私販過多。引目壅積。由東安永清來者。則以進鮮爲名。由青縣寶坻來者。則以咬馬爲名。又糧船北行。則夾帶抵通州。南歸則販賣抵臨清。皆權貴勢力者。窩頓興販。巡鹽官兵束手逃避。請行察治。私販爲之息。

鍾繼英。東莞人。嘉靖乙丑進士。隆慶元年任。

龐尙鵬。字少南。南海人。嘉靖癸丑進士。隆慶二年春。朝議與九邊屯鹽。尙鵬以右僉都御史。與副都御史鄒應龍。唐

繼祿分理。尙鵬轄兩淮長蘆山東三運司兼理畿輔河南山東江北遼東屯務抵昌平。劾內侍張恩擅殺人兩淮巡鹽孫以仁賊罪。其秋應龍召還命尙鵬兼領九邊屯務疏列鹽政二十事。鹺利大興。諸御史督鹽政者以事權見奪。欲攻去之。河東巡鹽邵永春劾尙鵬行事乖違落職汰屯鹽都御史官。後起撫福建卒諡惠敏。

傅孟春字體仁高安人。嘉靖乙丑進士。隆慶三年任。歷官都御史。

蘇士潤字惟德。晉江人。嘉靖乙未進士。隆慶四年。巡長蘆

鹽。上言鹽貨周流猶菽粟之不可闕也。舊制計里撥引。官鹽疏通。其後責成不嚴。於有司告指復隨乎商人。孰肯舍近趨遠。棄豐就瘠。臣以爲當復撥引之制。酌量人戶多寡。均撥引數。分爲春秋二關。照依官制州縣次序。凡納過餘鹽商人。召集掣籤。挨名填撥。旣過而復不許隨其告指。及擬越增減。以啟規避。商領水程。照依撥去地方。盡數齎運。當官驗發。不許他處盜賣。及鹽引相離。以滋影射。仍責令巡鹽官。因其時之春秋。酌其地之遠近。爲估價多寡。使彼此各得其平。每季將繳過引目填簿。並發過水程驗單。責

差吏兵賞比。如有縱容奸販阻撓官鹽及行引不如數繳引不依期者。比照錢糧事例。許臣差滿之日。就事糾劾。以爲玩肆者戒。又條奏六事。一各場殘鹽無慮三十萬有奇。棄之可惜。而驟開之反以病民。宜均派支之數。每歲召商開邊各兼給殘鹽六萬餘引。期以六年而盡派支之時。每引量免五十觔以寬之。一先年量增鹽額五萬引。後又改派遼東引。日愈繁。阻累愈甚。宜罷免。一正鹽私鹽相爲消長。正鹽旣行。則宜苛爲私鹽之罰。如歲課倍原額者。一切勿問。不及原額者。第以所虧多寡。以法繩之。一各運司皆

無鹽鈔諸稅。獨長蘆有之。且歲徵不過一百餘金。不足以裨縣官。而大困於竈戶。宜盡罷。仍禁戢官攢苛擾。以示寬恤。詔如議行。又奏竈戶歲供白鹽。煎辦勞費。視黑鹽不啻數倍。乃復歲徵鈔貫。不知於義何居。請永予豁免。報可。竈困以甦。

盧明章字用晦。僊居人。嘉靖乙丑進士。隆慶五年。巡長蘆鹽。條陳鹽法六事。一。清理實籍。毋令竈產民產互相影射。一。禁戢私販。以通官課。一。申明分司春秋兩巡之法。一。嚴督行鹽地方。驗單銷繳。不得阻滯。一。蠲免長蘆利國等二

十四場白鹽脚價。御馬監歲用啖馬涼鹽。止許見買商
監不得交通私販。撓壞鹽法。報可。又以天津沿河一帶裝
運私鹽。多用小船。與經過之馬快官糧等船。又山東私梟
多在海豐等場。挾市陸販。奏請責成天津道。查懲窩頓。以
塞弊端。一時稱快。

田子堅字茂甫。永寧人。隆慶戊辰進士。隆慶六年任。
解學禮安邑人。隆慶戊辰進士。萬歷元年任。

何汝成字子誠。蒲州人。隆慶辛未進士。萬歷二年任。

晏士翹字應望。新喻人。清江籍。嘉靖乙丑進士。萬歷三年

任。按太學題名碑錄作晏仕翹。

雷嘉祥字和卿。井研人。隆慶辛未進士。萬歷四年任。

敖觀字化甫。新喻人。隆慶戊辰進士。萬歷五年任。

朱璉字文卿。新淦人。隆慶辛未進士。萬歷六年任。

高惟崧字景南。廬陵人。舉人。萬歷七年任。

甘雨字應溥。奉新人。萬歷丁丑進士。萬歷八年任。

曹一夔字子韶。武岡州人。萬歷甲戌進士。萬歷九年。巡長

蘆鹽。疏言長蘆竈地灘蕩。與民地疆界混淆。糧差互派。議

令運司會同有司。將竈戶四項地畝。以黃竈二冊並圖。送

志先查明竈地灘蕩原額若干。新置民地各爲竈產者若干。率同里長鑊總分別清丈。其鹽場坐落某處。見今實在竈地灘蕩及附場離場之竈地。置買之民地。照頃畝區別界限四至。與原額增減數目。每戶類爲一總。如附場刮土樵採煎曬去處。竈戶自行開墾成田。照例止辦鹽課。免其雜派差徭。其零星地土離場稍遠。與民居相雜。雖繫竈種。照例辦納錢糧。應當馬頭等役。若民佃竈地。卽納竈課。其竈戶原買民地。仍轉賣與民者。徑行開入有司。納糧當差。不得影射。彙造清冊三本。一存有司衙門。一存運司衙門。

一存巡鹽御史衙門。巡鹽御史奏報總數。仍造簡明冊送部。至各場有無官鍋。悉因鍋面大小。分別額徵多寡。地存則丁存。丁存則課存矣。又條議免重差。禁私煎。免積逋。買餘鹽。除贓罰彙解。皆切中時弊。又以歲饑。請就於鹽法項下銀兩賑之。

林休徵字景徵。莆田人。萬歷丁丑進士。萬歷十年任。

丁此呂。新建人。萬歷丁丑進士。萬歷十一年任。

黃師顏字有發。南安人。萬歷甲戌進士。萬歷十二年任。

譚耀字章伯。南海人。萬歷丁丑進士。萬歷十三年。巡長蘆。

鹽其條約有四。一。引目及水程驗單。法固詳密而銷繳稽遲夙弊如故。今後運司。凡遇掣過商鹽。納完課銀者。一面給發水程。一面申遞驗單。隨完隨發。不必彙齊。自長蘆發者限六日。自山東發者限十二日。違期提究。鹽到地方。所司卽驗鹽包。引目程單相同。當堂填簿。其引仍給商照賣。賣完。掌印官卽將程單取具賣完甘結。封繳本院查銷。季終仍差吏書赴比。若所司指勒商人。及不追繳引目驗單。致生他弊者。掌印官別議。巡鹽官吏。坐以贓罪。至於鹽包。通正餘沒官。共以六百觔爲率。照例納沒官價銀一錢。此

外再多三十觔以上。委官嚴申究治。其沒鹽雖多。亦不必扣包更名。卽明開每包共重若干。填註程單。給商運發。亦不許有司重複問罪。以滋商困。一往時所司有派散之弊。有挨賣之苦。派散者虐民。挨賣者困商。均非厚下之道。今後各屬凡遇商鹽所至。不拘先後。責令經紀領商。照依時價。聽從貨賣。不許仍踵派散挨賣陋規。坐困商民。卽有願減時價。利於速賣者。聽從其便。凡買鹽之人。仍取鹽商私記小票。若有鹽無票。六十觔以上。論罪。有司時加稽察。各商有無坐索高價。藉口阻滯。暗增私鹽。撓格鹺政。一有弊

端卽時揭報以憑重治。私鹽之禁法律甚備而奸徒敢恣行者一由所司根究之不嚴。一由捕兵賞格之未立。如舟運必有渡越之關陸運必有窩容之處買時誰爲牙秬到埠誰爲領分皆可得而根究也。今後捕獲大夥鹽徒問官一一查究毋容漏網。其巡鹽兵快不許朋本私販暗抵季報鹽觔亦不許賄放大夥輕攘肩挑希圖塞責有司亦不許輒以肩挑鹽不滿百者擬罪妄申希圖悅上。每季終衛州縣所巡司將鹽觔文簿照舊款開於何月日在某處獲某人鹽觔若干賊物若干逐一登填另印花欄小紙將

該季獲過鹽勛賣過商鹽繳過未完分數填註責該吏書同兵壯齊簿赴府巡鹽廳挂號限定日期赴院查比若官吏兵快人等有能用心緝捕鹽勛溢額至千勛以上者即將一半獎賞俱照數扣除然後申報巡鹽官與正官一併紀錄有能報首窩家搜出鹽物者即以鹽物賞之夫根究嚴則人知懲賞賚信則人知勸所司誠行之未有私鹽不絕國課不充者也。一四民之外惟鼃丁爲獨苦邇來逃亡日甚所司尤當倍加撫恤查得往年若場官假公橫斂若棍徒買單僞支若奸總倍收課價皆爲鼃丁大害各該司

官並宜矢心倡率毋縱場官擅意科派其循環查盤造冊
工紙準於灘銀動支不得妄差一役下場騷擾仍出示曉
諭凡商人到場領鹽須驗引單俱全方準支給如有單無
引卽繫截買棍徒許竈戶扭挈赴司招報賣單商人一體
究治至於全鹽場分不許奸總勒徵折色加倍侵收坐場
虎棍毋得騙收竄遠人戶肥家累害總催違者盡法處治
凡諸色弊竇望各司留心釐革所言皆一時之要

楊紹程字洛源岐山人萬歷癸未進士萬歷十四年任
劉應龍字文昆邵陽人萬歷庚辰進士萬歷十六年任

龔雲致晉江人萬歷癸未進士萬歷十七年任。

周孔教字明行臨川人萬歷庚辰進士萬歷十八年巡長蘆鹽條陳禁私窩關引目緝私鹽查竈糧復屯鹽諸款皆善政也。

黃卷字汝通永康人萬歷丁丑進士萬歷十九年巡長蘆鹽請建運學又議正鹽之法掣出鹽觔多至四十觔者納銀一錢過六百觔以上者引鹽銃段又疏請將昌平等七處引鹽仍由商運每引照納牙稅銀二分一釐六毫小餘鹽銀五毫隨商發運其法甚善。

彭好古字伯錢麻城人萬歷丙戌進士萬歷二十年巡長蘆鹽條議沒鹽買價虧本請仍舊例四十觔納銀一錢又以昌平等七處引目赴京查挂就撥未便請將引鹽牙稅並小餘鹽運司收解稅單徑給各商赴各州縣賣畢同引通繳解部盡革牙行打單等項大益於商

姚思仁秀水人萬歷癸未進士萬歷二十一年巡長蘆鹽以長蘆災請支宛大二縣備賑銀二千兩濟之因解額虧欠請割沒鹽觔四十觔外再量加四十觔亦納銀一錢又以青州產鹽數多同知官階四品法令易行滄州產鹽數

少事簡判官不難催辦。請將兩分司所轄地方並印務交相更調從之。又請於直沽口設船索攔江。委官驗放引鹽。至今爲例。

徐元正字景文。太倉州人。吳縣籍。萬歷丙戌進士。萬歷二十二年巡長蘆鹽。條奏清查竈地。俾竈無派民差。民無侵竈地。卽竈戶開墾地畝。附近各場應納糧稅者。聽場官徵解。州縣不得侵越。及僉派差役。今越支場尙有碑紀其事。馮從吾。長安人。萬歷己丑進士。萬歷二十三年任。

畢三才字誠叔。貴溪人。萬歷己丑進士。萬歷二十四年巡

長蘆鹽議除進京交納白鹽堆聚稱收。抑勒賠累諸弊。又建天門書院以育人材。吏科給事中楊廷蘭爲之記。

卮祺。雲南臨安衛籍。江南潁州人。萬歷乙未進士。萬歷二十六年任。

吳達可。字叔行。宜興人。萬歷丁丑進士。萬歷二十七年。巡長蘆鹽歲祲。繪上饑民十四圖。力請賑貸。時通灣稅使馬堂張日華。議加挨單鹽稅。奸商妄稱嘉靖中大同用兵。貸其貲二萬六千金。明史作三萬六千金。請於鹽課補給。戶部許之。達可抗爭。事得已。其自爲省垣存稿序曰。國家鹽筴。置立都

轉運司。出納運籌。憲使者以時巡察。太司農主計而受成焉。法顧不嚴。且重與。邇年官司失職。巡察稍寬。國計往往告匱。掌銓者心竊隱憂。亟上鹽政條議。斬以不次之擢。旌異運長之廉能者。以風勵官守。蓋慎之也。余蒙恩起家。奉簡命視鹺蘆東。歲之庚子。巡歷燕齊趙魏諸封疆。時商民方苦於東征加餉。疲累不支。而又重以權使加稅之擾。幾不堪命矣。藉有山陰何君爲轉運使。君清貞潔操。有古琴鶴風。而持籌國計。尤非硜硜拘曲者所及。一時商民重倚賴焉。余所上封事。大都秉虛集議。祛弊窮奸。一反權使之

奏而釐正之。卽詔旨久羈。未經部覆。君劑量其間。上以輸
國課之急。而下以拯商民之阨。庶幾昔人所稱三難哉。一
日余檢閱司誌題稿。闕然默計他處所有。慮東獨無。非曠
典乎。因命司計吏。亟上都門。取省垣存彙繕書之。先後凡
得疏稿若干篇。並余疏議。付之剞劂氏。上下數十年間。鹽
政履歷。一開卷而矚目無餘。集已告成。余因掇言弁首。俾
後之司鹽課者。稔知余兩人擘畫之艱。兢兢不敢負朝廷
任使之意。則斯集不徒以文傳爾。歷官通政使。卒贈右副
都御史。

馮應鳳字邦瑞。山陰人。萬歷庚辰進士。萬歷二十九年。巡長蘆鹽。時奄宦用事。有內監陳增。將山東候掣未銷之引三十餘萬。指爲餘積。上請變價。已奉旨允行。應鳳力疏爭之。乃已。又嘗諫罷礦稅。章凡三四上。皆極剴直。

余懋衡字持國。婺源人。萬歷壬辰進士。萬歷三十二年任。葉永盛涇縣人。萬歷己丑進士。萬歷三十三年任。

李應魁內江人。萬歷甲辰進士。萬歷三十六年。巡長蘆鹽。疏言長蘆引之積。始於鹽之不通。蓋南北二十場。分隸兩所司官。如嚴鎮一場。去北所較遠。運脚倍於鹽價。遂至該

場煎曬苦於無售轉售販夫場民逃亡私販日熾額課日虧查該場赴南所甚近脚價減半請改隸南分司不惟能鹽得售私販可止庶商民兩便鹽引得通從之

畢懋康字孟侯歙縣人萬歷戊戌進士萬歷三十七年巡長蘆鹽條陳鹽法六事一蠲浮稅以甦商困一芟洶賊以通鹽運一嚴捕獲以絕私販一重監收以恤貧竈一更坵規以釐宿弊一嚴考核以專責成又以畿輔河渠多湮廢不治上言宜修復湯家口清楊上下二閘漕臨德二倉粟二十萬石餉保定易州紫荆諸軍詔皆從之歷官兵部右

侍郎。

馬孟貞字泰符桐城人萬歷戊戌進士萬歷三十八年任歷官太僕少卿。

潘之祥字伯和婺源人萬歷戊戌進士萬歷四十年巡長蘆鹽四十二年條陳六事。防治河之夾帶請於德州臨清東昌濟寧等處委巡河巡鹽官嚴加搜緝如有夾帶事發拏究船戶查究前途疎縱等官不得濫及坐船官民坐船者可以不必庇護。嚴營軍之私販贗抵小直沽產鹽去處道近燕城各營軍士往往挾持弓矢刀劍百十成羣。

馱載私鹽巡緝人役稍一撞遇便遭刼殺及至緝拏營官往往庇護請令通州等處參將守備等官協力緝捕如有緝獲數多照例紀錄倘至失事與州縣一體參究。禁商民之影射舊例一引餘鹽割沒包索共五百六十觔又以邊餉不足加添八十觔又帶一十觔乃復朦朧影射至百十餘觔者自後掣官務加嚴謹秤掣之時逐包盤驗有夾帶數多照例問遣至於淪沒引鹽告稱補掣尤爲弊叢此在有司臨時查訪毋得輕信給照以墮奸計。止商人之開引長蘆山東共鹽四十六萬八千三百餘引近年按引

掣鹽徵銀濟邊卒致壓欠。近來邊餉闕乏。奸民乘機中以加引濟邊之說。其實邊未必濟。而民坐困。舊積之引已難疏通。又加以新開之引。其何濟乎。宜相其地而行之。擇其人而使之。又奏言。頃戶部奏頒考成例。能者獎。不能者罰。鹽政犁然舉矣。據司道冊報。應薦者不下二百餘人。而直隸順天等處。按臣薦額三十九員。正定等處。按臣薦額三十七員。山東按臣薦額四十五員。河南按臣薦額五十六員。通計一百七十七員。臣於直隸山東全轄。河南管轄四大郡。又有兩運官。南直隸七州縣官。職繁夥。循良累積舊

鹽臣止薦一百八員則四按臣所薦爲臣所遺者尙多也
請稍加薦額使臣得酌其材品以獻。

牟志夔字用一。南溪人。萬歷甲辰進士。萬歷四十三年任。
李徵儀。廣德人。萬歷辛丑進士。萬歷四十五年任。

倪應春。桐城人。萬歷丁未進士。萬歷四十七年任。

郭如楚。晉江人。萬歷丁未進士。泰昌元年。巡長蘆鹽。天啟
元年。疏請增二萬引。掣行。開封二十三州縣。引納銀四錢。
增四萬五千引。行正順彰輝等府。每年掣三萬引。引納銀
二錢。俱納新庫。仍各一例。追徵餘沒。共一萬五千引。增引

不增掣存運司備轉轂之用。免告照之端。引先納銀一錢。歲共銀三千兩。解充遼餉。遇三年清理一次報可。

李時榮。華亭人。萬歷丁未進士。天啟二年任。

劉芳。渭南人。萬歷丙辰進士。天啟三年任。

李元。同州人。萬歷丙辰進士。天啟四年任。

帥衆奉新。人。萬歷丙辰進士。天啟五年任。

喻思恂。豐城人。萬歷丙辰進士。崇禎三年任。

運使

初定爲河間長蘆都轉運使。永樂中。省河間字。

鄧崙。字仰止。武陵人。永樂甲辰進士。正統六年任。

金達字復顯鄞縣人以父忠蔭檢討景泰二年任歷官禮科都給事中。

嚴敬字行恕公安人永樂辛丑進士天順二年任按太學題名碑錄作歸安人

龔敦字惟學邵武人正統丙辰進士成化元年任。

虞廷璽字宗玉南鄭人正統己未進士成化二年任。

焦鈍字汝礪葉縣人正統戊辰進士成化八年任。

樊英字世傑臨潼人景泰甲戌進士成化十四年任。

陶璽字朝信絳州人天順甲申進士宏治二年任。

宗鉞字廷威。宜興人。成化戊戌進士。宏治八年任。

陳倫字天敘。岐山人。成化乙未進士。宏治十二年任。

趙亮采字有邦。齊河人。成化甲辰進士。宏治十五年任。

張正字國興。平度人。成化辛丑進士。正德元年任。歷官按

察使。

邢霖字時望。襄陵人。成化丁未進士。正德二年任。

童瑞字世奇。隰爲人。宏治庚戌進士。正德三年任。歷官工

部尙書。

楊燧字廷珮。原

宏治庚戌進士。正德六年任。遷參政。

劉繹字以誠代州人宏治丙辰進士正德八年任。

劉思賢字用賓石首人宏治丙辰進士正德十三年任歷官工部侍郎祀名宦。

徐金陵字廷鎮常山人正德戊辰進士嘉靖二年任遷參政。

徐問字用中武進人宏治壬戌進士嘉靖六年任歷官兵部侍郎。

東漢字希節華州人進士嘉靖七年任。

黃希英字如英莆田人宏治乙丑進士嘉靖十年任

按太學題

名碑錄作黃如金

郭五常字大經西平人正德辛未進士嘉靖十一年任

宋鉞字德威武定人正德辛未進士嘉靖十三年任

王光霽字謙甫商州人正德丁丑進士嘉靖十四年任

陳雲松字子材盱眙人官生嘉靖十五年任遷陝西行太

僕寺卿

郜相字立之澤州人舉人嘉靖二十年任歷官左布政祀
名宦

王訪字于宜奉化人嘉靖癸未進士嘉靖二十五年任歷

官南京工部尙書。

張定字子靜。代州人。舉人。嘉靖二十五年任。歷官參政。

陳堯字敬甫。江南人。嘉靖乙未進士。嘉靖二十八年任。歷官南京刑部侍郎。祀名宦。

方升婺源人。嘉靖己丑進士。嘉靖三十三年任。

林汝永字君修。莆田人。舉人。嘉靖三十四年任。

周載麻城人。舉人。嘉靖三十七年任。

陳全之字粹仲。閩縣人。嘉靖甲辰進士。嘉靖三十九年任。

歷官右參政。

杜棟字孔材。卽墨人。嘉靖癸丑進士。嘉靖四十三年任。祀名宦。

紀鳴鳳字明瑞。榆林衛人。嘉靖庚戌進士。嘉靖四十四年任。按太學題名碑錄作紀鳳鳴。

張守蒙字啟哲。滕縣人。嘉靖甲辰進士。隆慶元年任。

方啟參字叔前。巴陵人。舉人。任河東運使。乞休。隆慶二年。復以部院會薦起用。

楊守讓。長沙人。官生。隆慶四年任。

李鍵字廷守。緡雲人。嘉靖丙辰進士。隆慶五年任。

張廷臣字伯鄰。番禺人。嘉靖壬戌進士。隆慶六年任。

邢邦字維翰。臨清人。嘉靖己未進士。萬歷二年任。遷右參政。

潘良貴字汝思。神武左衛籍。嘉靖己未進士。萬歷七年任。高世雨字原化。原武人。隆慶戊辰進士。萬歷八年任。遷陝西行太僕寺卿。

許天贈字德夫。黔縣人。嘉靖乙丑進士。萬歷十二年任。遷山東左參政。

李壽字若臨。河源人。隆慶戊辰進士。萬歷十三年任。遷廣

西右參政。

蔡斗移字元運。蘄水人。萬歷丁丑進士。萬歷十七年任。
姜奇秀字孟穎。監利人。隆慶辛未進士。萬歷十九年任。
阮尙賓。太和人。隆慶辛未進士。萬歷二十年任。

何繼高字汝登。山陰人。萬歷癸未進士。起家郎署。出守衛輝。調臨江。再調福州。二十二年。詔推擇郡守廉幹者爲運使。遷長蘆運使。繼高性廉潔。秉憲持正。任事無所避。運司例給商布價三千餘金。故事僅取空券。繼高無所染。邊商開中限甚嚴。往以六月始得引。又值農時霖潦。運費倍於

常。繼高起部倉勘以三月至。給引以九月。歲省十萬金。通
灣天津二大端。奏請加稅。設巡鹽指揮使。將以侵其權。繼
高令商鬻鹽。每值一兩。稅三分。解權使。指揮使第避私販
毋與商市。商無所擬。舊引額十七萬。課十二萬。到官三年。
增引課皆倍之。以不修餽遺。計部劾。運使遭課者三。而繼
高其一。會時以舟師援朝鮮。借商船。繼高乃雜引行鹽。引
目三事。具其所徵數上之。部臣慚而銜之。適鋪宮用亟。檄
掃蠶進奉。既發。復趣具五萬金。犒援師。期五日不至。以軍
法論羣商。咸繼高德。爭豫輸課。如期具。部臣無以難。又甓

州城以捍剽竊創天門書院以廣學徒歲饑爲粥以食餓者四閱月全活無算詳定領解鹽課之規例劑秤掣鹽飭之輕重皆實有裨於商嘗以倭事方張及播百跋扈疏請願身備行伍不報以忤權貴八年不遷後量移江右參政去祀名宦去後凡三十九年商竈思其德不忘爲建專祠肖像以祀之。

瞿汝稷常熟人官生萬歷三十四年任有惠政去任後商建祠祀之。

陳啟孫字承儒餘姚人恩生萬歷四十年任。

張雲翼。山西太平人。萬歷戊戌進士。萬歷四十二年任有
惠政。遷雲南參政。去任後商爲立祠。

韓初。字康侯。掖縣人。舉人。萬歷四十七年任。遷天津督
餉參政。

吳從誠。字形衷。潛江人。舉人。天啟二年任。遷雲南參政。
孫鳳翔。字鳴岐。陽信人。舉人。天啟四年任。遷雲南參政。
楊夢熊。字兆賢。聞喜人。舉人。崇禎元年任。

韓應龍。字仙室。光化人。舉人。崇禎十年。由長蘆運同任。

運同

駐滄州。轄南所各場。萬歷二十一年改爲青州分
司。轄北所各場。

呂棠。濟寧人。永樂乙未進士。正統七年任。

童孟韜。正統八年任。

姜榮。字仁甫。餘姚人。成化丙戌進士。成化十一年任。
張本。字孟端。錢塘人。成化乙未進士。成化十二年任。

李昊。字志遠。崑山人。成化己丑進士。宏治二年任。

馮忠。字原孝。慈谿人。成化戊戌進士。宏治六年任。

李仲璧。莆田人。舉人。宏治十一年任。

李紀。字用修。江都人。成化丙戌進士。宏治十五年任。

徐文英。字景華。西平人。成化丁未進士。正德元年任。

劉昂字子承宛平人舉人正德五年任遷鳳翔知府。

杜槃字碩人山西人舉人正德九年任。

周霖字希說乾州人宏治丙辰進士正德十四年任。

祝壽字仁甫歷城人正德戊辰進士正德十六年任歷官右布政使。

潘時字子中貴州人舉人嘉靖三年任遷太平知府。

范總字半甫樂平人正德丁丑進士嘉靖五年任歷官兵部侍郎。按太學題名碑錄作范總。

張秉正字守之三原人舉人嘉靖七年任。

李渾字子源慈谿人正德甲戌進士嘉靖八年任歷官兵部侍郎。

冷宗元字體仁榮昌人舉人嘉靖十一年任

按明史藝文志有冷宗元

長蘆巖志七卷。

張國紀字崇禮上海人舉人嘉靖十四年任。

高廷璋字宗器臨潼人舉人嘉靖十四年任。

溫志敏嵐縣人監生嘉靖十七年任。

蕭珩兗州護衛籍舉人嘉靖十八年任。

李光祚高密人官生嘉靖二十年任遷思南知府。

孟汝濬字子哲蒲州守禦所人舉人嘉靖二十三年任遷鳳翔知府。

吳江字道南豐城人舉人嘉靖三十年任遷福建運使。

趙繼孟字宗之澤州人嘉靖乙未進士嘉靖三十二年任遷夔州知府。

盧鳳儀字應和大理衛籍舉人嘉靖三十四年任。

劉希召字汝翰衛輝守禦所官籍舉人嘉靖三十五年任
袁鑑字慶韶揭陽人舉人嘉靖三十七年任。

辛烜然字養晦石州人嘉靖戊戌進士嘉靖三十七年任

胡文孚字孺中休寧人舉人嘉靖四十一年任。

袁株興化人舉人嘉靖四十二年任遷吉安知府。

曾子欽字宗堯泰和人舉人嘉靖四十三年由南京工部郎中任遷思恩知府。

楊侃字直夫營山人隆慶元年任遷曲靖知府。

沈志言字子謨海寧人嘉靖癸丑進士隆慶二年由寧國知府任。

王輦字子侍定遠人嘉靖壬戌進士隆慶三年任遷曲靖知府。

胡景字子昭定遠人舉人隆慶六年任。

朱擢字徵庸渭南人嘉靖己未進士萬歷元年任遷鄖陽知府。

張蘊道字君聘寧鄉人嘉靖己未進士萬歷二年任。

江埏字子際仁和人官生萬歷三年任。

汪昌齡字德文婺源人官生萬歷四年任遷廣南知府。

張汝諧烏程人官生萬歷七年任。

趙方立字貞甫盩厔人舉人萬歷十一年任。

朱一柏寧國人舉人萬歷十四年任遷慶遠知府。

王維藩。信陽人。恩貢。萬歷十六年任。

霍鍾瑜。字汝需。孝義人。官生。萬歷十七年任。

俞嘉言。餘姚人。隆慶辛未進士。萬歷二十年任。遷高州知府。

陳九功。新建人。舉人。萬歷二十一年任。遷貴陽知府。

張文奇。長洲人。萬歷丁丑進士。萬歷二十五年任。遷貴陽知府。

馮學易。字韋卿。臨海人。舉人。萬歷二十七年任。

劉一澗。臨川人。萬歷癸未進士。萬歷三十五年任。

楊嘉猷字元忠懷遠人舉人萬歷三十七年任遷鎮遠知府。

商文昭漳浦人萬歷乙未進士萬歷四十年任。

燕汝靖字啟宸介休人舉人萬歷四十一年任。

葉梗字貞父慈谿人舉人萬歷四十二年任遷都勻知府。

李時茂萬歷四十四年任。舊志未載。

葛仁義字無懷鄞縣人舉人天啟元年任。

韓應龍字仙室光化人舉人天啟五年任。

潘元勳字德昌重慶人舉人天啟七年任。

運判

駐青川轄北所各場。萬歷二十一年改爲滄州分司。轄南所各場。

段駢。正統六年任。

紀惟仁。成化元年任。舊志未載。

單教。原武人。舉人。正德元年任。

戴琥。莆田人。舉人。正德七年任。

尙恭。陝州人。監生。正德十二年任。

李應正。儀封人。舉人。正德十三年任。

呂繪。崑山人。舉人。嘉靖二年任。遷袁州通判。

韓義。蒲臺人。監生。嘉靖九年任。

徐官字伯賢。蕭山人。正德丁丑進士。嘉靖十二年任。

周正。仁壽人。嘉靖十三年任。

江燦。績谿人。監生。嘉靖十四年任。

牛兆祥。武功人。舉人。嘉靖十六年任。

王齊。上蔡人。舉人。嘉靖十八年任。

張鼎。荆門人。嘉靖二十一年任。

汪九仞。貴池人。官生。嘉靖二十六年任。

張時奇。臨潁人。嘉靖二十八年任。

邵欽。仁和人。監生。嘉靖三十五年任。

陳謨字司嘉。平湖人。貢生。嘉靖三十七年任。

劉瑞字朝儀。長洲人。官生。嘉靖四十一年任。遷歸德通判。
周士佐字汝良。餘姚人。嘉靖甲辰進士。嘉靖四十三年。由
南京禮部郎中任。歷官山東僉事。

施堯臣字欽甫。青陽人。嘉靖庚戌進士。嘉靖四十三年。由
吏部郎中任。遷廣東副使。

徐中行字子與。長興人。嘉靖庚戌進士。嘉靖四十四年。由
汝寧知府任。歷官江西左布政。

阮自嵩字惟中。桐城人。嘉靖丙辰進士。嘉靖四十五年。由

戶部主事任。遷滄州知州。

潘子寬字望甫。蔚州人。嘉靖癸丑進士。隆慶元年。由戶部員外郎任。遷深州知州。

晉應槐。山西人。舊志在潘子寬後。不著何年任。

崔椿字朝陽。靈川人。舉人。隆慶四年任。遷荊府審理正。
王德音字伯宣。安化人。舉人。萬歷元年。由南京戶部主事任。

章仲京字伯華。會稽人。監生。萬歷二年。由中書舍人任。

屠謙字子益。秀水人。隆慶戊辰進士。萬歷六年。由南京太

僕寺丞任。

胡頌字占文。金華人。恩貢。萬歷八年任。

崔應奎字文甫。泌陽人。恩貢。萬歷十一年任。

劉選。宜春人。恩貢。萬歷十四年任。

朱子春。乾州人。恩貢。萬歷十六年任。

陳明吾。山陽人。選貢。萬歷十八年任。

喻效龍。當塗人。舉人。萬歷十八年任。

曾輝。贛州人。監生。萬歷二十一年任。

嚴自明。河津人。歲貢。萬歷二十二年任。

尹作賓寧羌衛人舉人萬歷二十三年任

裴應坤字節卿貴溪人舉人萬歷二十七年任

黃應瑞寧海人恩貢萬歷二十九年任

閔遠慶字基厚烏程人萬歷丙戌進士萬歷三十一年由

四川僉事任

朱默字德夫溧陽人舉人萬歷三十二年由汝寧同知任

許彬字子盛固始人監生萬歷三十五年任

史繼表溧陽人監生萬歷三十七年任

賀聖瑞獲嘉人萬歷己丑進士萬歷三十九年任

魯史字聖修。餘姚人。萬歷甲辰進士。萬歷三十九年任。

楊學臯字叔登。樂安人。選貢。萬歷四十一年。由高州同知任。

李泰字岱東。承新人。例貢。萬歷四十二年。由廣東鹽課司正提舉任。

李一驥字千里。新建人。例貢。萬歷四十四年。由汝寧鹽課司正提舉任。

仇時古字叔尙。曲沃人。萬歷戊戌進士。萬歷四十五年。由西安知府任。

袁夢吉。成山衛人。選貢。萬歷四十六年任。

鄭安民。字心綸。縉雲人。舊志在袁夢吉後。不著何年任。

郭慶年。富順人。舉人。天啟三年任。

孫宗稷。豐城人。選貢。天啟四年任。

王觀光。上海人。選貢。天啟七年任。

黃宗楫。字與鷗。卽墨人。選貢。崇禎元年任。

余向葵。字衷白。平湖人。崇禎十年任。

經歷

劉讓。正統元年任。

蔣能正統三年任。

袁寧正統六年任。

羅祥成化八年任。

林叢成化十一年任。

朱童成化二十二年任。

張輔宏治十五年任。

苟文質宏治十八年任。

蔣翔正德六年任。

曹銓正德七年任。

郭璽正德十二年任。

王世臣秦州人嘉靖二年任。

張希韓膚施人嘉靖十二年任。

松冕六合人監生嘉靖二十年任。

楊應元平湖人監生嘉靖二十二年任。

劉緯延州人監生嘉靖二十七年任。

寧尙菴蒲州人監生嘉靖四十年任。

龍躍萬載人監生嘉靖四十三年任。

林官仙遊人。都吏隆慶四年任。

馬萬會稽人監生隆慶六年任。

祝宗文黃岡人舉人萬歷二年任。

萬士正宜興人歲貢萬歷三年任。

孫岱霍山人歲貢萬歷五年任。

葉祖堯臨安人萬歷丁丑進士萬歷八年任遷永定知縣
嚴丕式汝陽人恩貢萬歷十年任。

梁宜生鄆城人萬歷庚辰進士萬歷十一年任。

陳宗堯高淳人選貢萬歷十二年任。

黎塾京山人舉人萬歷十三年任。

柳明臨清人舉人

舊志在黎塾後不著何年任遷永平通判

李煜朝邑人舉人

舊志在柳明後不著何年任遷南淮通判

朱道相萬安人萬歷己丑進士萬歷二十年任遷温州推官

關沛南海人舉人萬歷二十六年任

葉方嘉麗水人監生萬歷二十八年任遷楚雄府經歷

饒維垣靖海衛人選貢萬歷三十年任遷池州通判

徐域宜興人監生萬歷三十二年任遷雲南都司經歷

翁紹點福清人監生萬歷三十四年任

尹大復。上虞人。監生。萬歷三十六年任。遷泰州同知。

劉泉。攸縣人。選貢。萬歷三十九年任。

姜文聘。定南人。監生。萬歷四十年任。

何京。內江人。舉人。萬歷四十年任。

姚登用。秀水人。選貢。萬歷四十六年任。

鄭慶棠。閩縣人。天啟元年任。遷南京武德衛經歷。

胡燧。山陰人。監生。天啟五年任。遷楚雄府經歷。

趙重輝。雒陽人。貢生。天啟七年任。遷山西都司經歷。

敖祐。高安人。崇禎三年任。遷太平通判。

周應元崇禎十年任。

知事

李澄宏治十八年任。

梁仲昂正德七年任。

劉鑾正德十年任。

張志正德十四年任。

毛誥鄞縣人嘉靖元年任。

陸文榮嘉靖十年任。

王廷相掖縣人嘉靖十五年任。

張廷珍武城人嘉靖十八年任。

馬策會稽人嘉靖二十年任。

馬堯讓會稽人嘉靖二十一年任。

姚燦鄞縣人嘉靖二十三年任。

党廷富平人嘉靖二十七年任。

包大中鄞縣人嘉靖三十年任。

李瑤高平人監生嘉靖三十四年任。

陳朝用掖縣人嘉靖三十四年任。

張垣定海人嘉靖三十五年任。

李嘉謨。舊志在張垣後。不著何年任。

韓煥。餘姚人。儒士。嘉靖四十年任。

白鯨。蓬萊人。嘉靖四十三年任。

方炬。新城人。監生。隆慶元年任。

殷煥然。東莞人。儒士。隆慶三年任。

胡承顏。餘姚人。萬歷元年任。

李楨。慶陽人。隆慶辛未進士。萬歷四年。由御史降任。

韓繼榮。蕭山人。儒士。萬歷五年任。

章元。會稽人。儒士。萬歷八年任。遷南陵縣丞。

陳應武。安寧所人。吏員。萬歷十一年任。

傅履禮。南安所人。吏員。萬歷十二年任。

王紹祖。靈臺人。歲貢。萬歷十五年任。

朱朝龍。字仲甫。黃岡人。舉人。萬歷十七年任。

劉明梧。鄰水人。恩貢。萬歷十九年任。

黃恩。元寧化人。吏員。萬歷二十一年任。

強思。萬歷二十四年任。

江天然。舊志未載。

張守身。永嘉人。舉人。萬歷二十五年任。遷吳橋知縣。

張齡。華亭人。選貢。萬歷二十八年任。遷慶雲知縣。

王穆。龍溪人。萬歷三十一年任。

王宗魯。曲靖人。選貢。萬歷三十二年。由安慶通判任。

鍾瑞。黔陽人。吏員。萬歷三十六年任。

陳九級。新昌人。舉人。萬歷三十九年任。

羅良策。順德人。舉人。萬歷四十二年。由南京刑部主事任。遷南錦衣衛經歷。

張企之。山陰人。萬歷四十四年任。遷高郵衛經歷。

何顯宗。德州人。萬歷庚戌進士。萬歷四十七年。由遵化知

縣任。遷定襄知縣。

李上林。錢塘人。吏員。天啟元年任。

周用正。會稽人。監生。天啟四年任。遷宜興縣丞。
章魁。會稽人。監生。天啟七年任。遷滁州衛經歷。

馬福謙。南充人。舉人。崇禎二年任。

王二典。崇禎十年任。